

集凡六卷今取二卷之。卷五有簽紙
 載四庫鈔本程式第一行欽定之庫
 全書云。第二行斗南老人集卷云。第
 三行胡奎撰云。第四行某體云。第
 五行某題云。第六行正又云。中縫入
 斗南老人集左面卷數與斗字平行

斗南先生詩集卷之四

寧國文英

館編

歌行

葛洪丹井

吾聞句漏仙翁之丹井乃在紫微之陽東山之野仙翁丹
 成去不歸但見一泓寒碧涵秋影當年仙翁鍊丹砂呼吸
 沆瀣餐朝霞陶鎔日月精鍊冶紫河車玄液化白雪真胎
 結黃芽一朝騎龍去翱翔太清家遺此百尺井千古令人
 嗟輓轡無聲石苔紫子規啼老長松花我來汲井凌絕頂
 夜半飛出黃金鴉直疑此水接東海上通銀漢之靈槎靈
 槎迢迢貫明月漢使西回持絳節矯如黃鵠摩精空何持



金丹蛻凡骨酌以丹井水載歌仙人篇永言保之合自然
勿因離別損顏色此水可以期長年

松雲歌

我思仙人乃在玉塵金鰲之兩峯以松為巢雲作宮白雲
松下來天矯如飛龍仙人騎雲與天通朝游蓬萊暮崆峒
東分斷鰲足西擎三夫容與來醉發金壺汁元氣淋漓鬼
神泣八窓虛明白日寒萬壑吟呀翠濤濕昔年曾画匡庐
山置我采藥山之間別來彷彿三十載杏花落盡青春開
昨日相逢卧雲者因之欲訪長松下白雲悠々江海空瑤
艸金紫共誰把山中之人招不來琥珀夜先生紫苔天寒
茯苓倘可寄與子跨鶴登瑤臺

送應常周歸餘杭

大滌洞與華陽通中有許郭仙人蹤青山九鎖翠蛟龍明
月孤懸天柱峯雷淵子雙青瞳顏如丹砂髮如柰呼吸沆
瀣凌空濛手把五色金夫容翩然騎雲朝九重天寒猿鶴
久相待詔許飛佩還山中太乙真人坐蓮葉銀漢無聲波
帖々滴露軒前夜氣清石函雲冷青瑤笈還山二月春風
來玉屏洞口桃花開寄謝山靈倘相許吹笙弄月登蕭臺

題敬賜內侍桂岩道人李吉之天香深處手卷

吹君玉龍管酌我金螺杯聽我歌天香天香何處來廣寒
宮闕高崔嵬黃金布地瓊作臺吾不知當時老桂樹是誰
親手栽但見月圓則榮月缺則摧九十里里願兔東西走
不息歲々花從天上開請君花下飲一笑舒君懷百年此
興能几回霓裳歌羽衣舞足蹋虹橋上天府天香吹人千

萬古願持此香蘇下土

題敬賜內侍蘭谷道人蔣怡之詩卷

有美人兮山之阿牽白雲兮被女蘿抱鳳皇之綠綺濯冰
弦于絳河倚丹崖兮飲山綠采幽芳兮結纓服挹清風于
九畹彈廣陵之一曲思美人兮不可招何人報之瑛瓊瑤
含竒芬兮承湛露期永好兮同道遙

題敬賜內侍鞠大亨梅花洞天詩卷

我聞羅浮古洞天縞衣玉骨皆神仙南枝北枝自冷煖古
月今月同清圓開元供奉酒一問孤山先生詩幾聯青鳥
窓間莫啼夢且容老子弄婵娟

望廬山陰雨不果

平生愛寫廬山圖今朝始識廬山面山靈怪我來何遲涌
出白雲千萬片千片萬片雲重：咫尺隔斷香鉢峰東南
五老望不見倏忽上下隨飛龍虎谿三笑今何在惠遠東
林渺煙靄臨風大叫謫仙人九疊屏前定相待若有人兮
山之顛手翻銀河下青天金芝瑤草倘可采我亦跨鶴來
林泉

寄題萬峰閣為越僧作

巍：乎萬峰之閣兮乃在句踐之國梵王之家不知何年
始開闢但見層巒疊嶂涌出無數金蓮花想當大禹疏鑿
際神輸鬼運分如麻街石走精衛補天驅女媧星聯棋布
互參錯竒形詭狀何嶮呀踞者如虎豹蟠者如龍蛇斷者
如截肪峭者如峭瓜穹然古佛頂螺髻青鬢髮紛若越女
鬟一：盤宮鴉又如祇王園中宝樹下諸天旛蓋雜運相

三才卷四
三
紛拏女竭珠宮夜光白明月照海皆金沙我聞勝景有如此恨不一往乘颿車上人山中來笑語生煙霞中藏萬峰秀文采摘天葩風流遠接許詢輩佳句往傳中華昔聞支道林好騎神駿馱歷覽山水窟逸思令人嗟我詩無根蒂政如焦穀芽安得從師極登眺東遊雲門與若耶寄謝山靈勿相拒待我一飯餐胡麻

過呂梁洪次韻

呂梁自從開闢來中有崩崖轉石之驚雷不知何年鬼斧鑿一水怒觸龍門開故人張帆涉幽險月出船頭金灩澦重瞳霸氣已邱墟百谷安流會江漢徐州城外山重戲馬臺上生悲風古今豪傑俱寂寞但見水光雲影涵冲融還酌波神一枯酒三弄瓊簫吹龍友秋風吹夢過江南總是離亭折楊柳蘆花霜白鴈祇更天雞啼罷東方明權郎揆舵唱歌去衆中誰解吳歛聲人生壯志在萬里大鵬簸蕩東溟水蓬萊石上有金鰲手把絲綸共誰理

月中桂子

廣寒宮殿重開天妃舞鏡登瑤臺嬋嬋飛輪上裴回玉龍吐筵雲外來靈鷲峰高天不老琅玕無光琪樹小赤城洞口如飛沙碧桃藏春不敢花直疑仙人紫霞會靈風吹墮真珠佩猿童蹋雲掃空階天雞驚起双喙綠鸞瓏呼不回

和嵩岳行

吾聞三十六峯青嶙峋仙翁價重連城玲金堂石室不可到紫芝瑤草長清新自笑青春探靈秘望斷蓬萊五雲氣

不是丹邱紫鳳皇按圖空想千年瑞使君看山双眼青題
詩曾寄山之靈吹笙每招王子晉采藥或遇安期生錦袍
舊是龍門客不怕山靈夜呵責有時笑接浮邱公有時吹
笙坐盤石醉騎黃鵠登天門濯泉足銀河清絕羣鴻龍玉狗
森左右大叫閻闔排青雪紫皇授以瑤臺月照見迎風玉
壺雪鶴夢寥：蕙帳空幡然又與煙霞別黃河一千年一
清六龙在天當聖明河陽種得九滿樹誰能解此春風情
明當高附垂雲翌直上樽桑望朝日肯信東方有小兒三
偷河母蟠桃實

立春雨中作

春雲陰：春雨作今日迎春出東郭陌上青泥一尺深雨
打牛頭濕牛角兒童奔走看春歸拾得春牛頭上泥阿翁
大笑向兒道正應春頭種田好呼兒買酒祀田神大字搏
泥寫作春田鼠不生野無雀有租納官心即樂

題瞻雲軒

迢：東流水悠：思故里故里日夜思中情無已時中情
向誰言白雲在青天青天高無極相望不踰尺慈烏知返
哺越鳥知南巢異鄉非吾土瞻雲徒爾勞客從江上來贈
以春蠶絲願織春虫絲裁為游士衣駕言服春衣婆娑舞
庭闈上以介眉壽下以飲春酒

紫霞甕歌

媯娥補天搏五色化作崑崙一拳石神人巧斲秋水骨玉
白敲丹碎蟾魄東方涌出玻璃盆九氣凝結回鸞文天吳
海若不敢受中含萬斛梨花春瓊液流波散成綺照眼落

花吹不起醉來大笑醯雞天吸盡長鱸百川水

春夜聽何山人彈琴製烏夜啼曲

梨花月白春冥冥，城烏夜啼當二更。白頭老翁識烏語，揮弦彈作烏啼聲。初彈翩飛遶樹再彈啞，棲不住雌雄引子復回翔。上下呼羣自來去，高逼天門清露寒。牽牛蹋浪銀河乾，低翻塞艸黃雲晚。秦女思家玉闕遠，聯絲忽作行恍然。無聲風滿堂，老翁拂袖入門去。海日杲，生東方。

瓢岩歌送人之金華

高人愛瓢得瓢趣，在山出山皆樂處。十年不酌山中泉，瀟落江湖隨所寓。既不學洗耳翁，棄之不耐聆松風。又不學懸壺老賣藥，藏身以為寶。朝騎華亭鶴，暮蹋碧海鱸。身披紫綺裘，手提力士鎚。與瓢傾倒如弟兄，與來喚明月。大瓢小瓢相與傾，大瓢一飲累十觴。小瓢百觴亦不停，明珠走盤落咳唾。謔浪好似東方生，兀然一醉卧花下。月落瓢空還復醒，春江水綠花冥冥。金華夫容天上青，持瓢若飲双谿水。我亦相從來濯纓。

張鍊師祈雨歌以贈之

蓬萊仙人谷，神子夜扣天。閑與天語玉壇三日，走風霆呼雲得雲雨。得雨問之，此是何人功，不歸造化歸太空。益官令官卹民者，方寸默與天心同。我田有秋，農有飯，但願今年租早辦。危瓢馬上倒，天河喜雨作亭功更多。

過益陽渡

別腸刺，弓絃急。展轉車輪不停息，正尔天涯憶故鄉。一

行過鴈煙中沒益陽渡頭白髮翁野居壓酒松花濃上船
露坐待明月：色正與家山同人生進寸還退出塞馬既
亡仍復得洛陽年少謫長沙白也曾為夜郎客徐卿徐卿
吾故人寒谷偶被陽春恩此時應有還家夢稚子壺觴正
侯門

鵲軒行

阿母昔年生子時靈雛羣飛玉樹枝自從阿母生子後一
月一年未上棲人言誰敢能送客為報君家得賢子十齡
能讀書二十走馬青雲衢三十得官東海隅阿母騎鶴上
天去故巢幾度空山雨誰敢猶繞庭前樹子今遠遊天上
方不見白頭坐中堂但聞嗚：鳴朝陽嗚：復嗚：風吹
庭樹葉：落枝頭還再生安得母來聞誰敢

碧玉連環歌

贈君芙蓉之寶帶佩以碧玉之連環寶帶纏綿合歡意連
環宛轉双蚪盤双蚪盤無斷絕團：此似青天月：在青
天缺復圓我環長圓不曾缺人生離別當奈何贈尔一曲
連環歌

送富陽李孝子

秦川之水東南流中有孝子一葉之扁舟借問舟行向何
處家在嚴陵灘畔住嚴陵灘畔棲鶴村阿母望兒長倚門
兒歸上堂母心喜寸草曷報春暉恩兒有青囊舊時術自
信他人傳不得：錢欲買冰上魚卜地翻以墓前石兒今
何所願：老嚴陵灘不願麒麟卧高塚但願瓦棺葬母山
之間千古萬古子母安如山

白雲歌

白雲在青天浩蕩凌高風丈夫志四海飄飄無定蹤君從
冠冕山中住雲亦無心隨所寓吳山越水接荆揚總是當
年棲息處九重蕩：天門開一朝乘風朝玉臺故山猿鶴
無驚猜從在作雨還歸來

題畫

大山小山夫容開雲氣遠從天日來山中六月不知暑双
松如在嘯如雨磯頭水深三尺許水中石子清可數石子
可數易見魚高人把釣心高如五湖風高浪如屋何人同
唱滄浪曲滄浪曲歎乃歌細雨有笠斜風有蓑吾誰與歸
張志和

漢武詞

通天楼阁排雲開仙掌露寒金作臺八月一日王母降七
危九鳳相裴回手持玉桃獻天子此桃結實三千歲東方
小兒窻間笑此兒三偷入瑤島帝欲種核留人間服之可
使長朱顏茂林秋草今何在回首雲霞渺瀛海

題望雲圖為越人作

湛：越江水故不一洗九曲之離腸英：越山雲胡不化
為五色之衣裳兒今食祿天一方隔江望雲如太行中流
一葦信可航父兮母兮不得將春風紅藥花正好不如階
下宜男草堂上之人長壽考此圖端比陳情表

題琴月樓

白玉可斲明月輪黃金莫鑄知音人子期一去不復見惟
有明月長相親有時月到彈琴處月不能言解琴趣琴非

有意招月來月亦無心與琴遇我琴寥：太古音月色皎
皎清人心世上知音有如此鑄之何惜千黃金吾聞山東
李翰林金尊有月無鳴琴又聞柴桑陶靖節素琴有酒無
明月何如有琴有月有濁醪神交千載李與陶遺世獨立
何其高

題漁樵問話圖

江可漁山可樵山頭白雲手可招出門黃塵浩如海胡不
歸來共逍遙何人寫此漁樵子咫尺江山千萬里船繫松
根从石頭山人代木来自求相求未已还相問：之不答
心悠：子陵何為而辭漢太公何為而歸周買臣何為而
晚遇屈原何為而遠遊持我修月斧操君濟川舟天子不
知名大臣不見收漁翁向樵还大笑今古同生不同調富
貴功名何足論與君盡醉長傾倒

題楮衾歌

任公子釣鰲龍伯宮爛：五色雲飛出樽桑東海若天吳
失顏色河東美人織不得并刀剪断紫霞綃八繭吳蠶空
自白仙人王子晋騎鶴來人間手卷錦鯨去東入蓬萊山
相逢會稽楮共聽西窓雨滿林胡蝶花片瓦夢中笑殺秦
川女何人視卓白玉堂青綾夜对官燭光豈如蓬萊山人
醉眠日丈五独擁八天谿藤霜

築城歌

隋有鹽官城漢無鹽官城唐有鹽官城宋無鹽官城荒城
蕪沒知何代唯有東流水長在蓬萊清淺半桑田精衛年
年塞東海前年無城禦邊邊去年無城機杼空今年長城

高百尺誰其主者陳元龍重門鐵鎖黃金鎖黃金鑰刁斗
停棹七星挂城明月低萬戶千門慘清角何當四海車書
同蒼生樂育康衢中明年開城看歌舞城南城北春花紅

題白雲山舍為桑孝子作

始知慈母心磊磊高山石欲知慈母操青青古岩柏阿母
生母纔十年空山別鶴悲離弦兒今讀書母身健績麻夜
坐明鐙前父昔生兒願兒好兒心一寸春暉草母在山中
父在天結廬長在白雲邊

桃花馬

吾聞古有穆天子八駿西行日千里何年下浴瑤池泉滿
背落花飛不起月氏貢入光明宮天閑十二皆東風東方
小兒拍手笑曾識崑崙千歲紅白玉鑿蹄金絡腦一點明
霞落烟草征南將軍天上來時人稱是真尤媒房星照地
春如海會見論功朝玉臺

舟過采石擬弔謫仙風雨所阻弗遂

砲車雲與大風作收帆夜傍沙洲泊春陰遮斷蛾眉亭不
見蛾眉鏡中落歎弔開元李謫仙錦袍一去三千年如何
古時月不照今人船自從捉月上天去不知月落歸何處
月照人間無古今江流不斷天沈沈乾坤清氣古今少大
雅遺音向誰道白也明朝知我來放出蛾眉翠如掃

舟中醉歌示同舟友人

歌越調唱吳謳南風吹過黃蘆洲前船後船相逐起聯
翩：鳥銜尾前船相鬧後船喜不用愁風更愁水采石有
酒江有魚買魚沽酒歌鳴：歌鳴：擊唾壺人間此樂曾

有無

題鉄柱觀

鬼斧鑿竅開洪濛平地涌出蛟人宮地脉上與星河通一
勻活水藏神杓想當鍛鍊昆吾鉄祝融嘘煙走列缺穹然
一柱閉靈穴萬劫天風吹不折旌陽上天去不還安得化
鶴來人間西南地折鎖連環永鎮
王國安如山

題松竹軒

蒼髯丈人偃蹇而瑰竒此君高節能配之平生共持金石
操晚歲不改冰霜姿閩南劉侯好清古天風吹入洪都府
半空清籟奏笙竽九夏涼陰覆窓戶吾聞松根生茯苓服
之可以延遐齡又聞竹間棲綵鳳一鳴可以開太平劉侯
劉侯世所重大才会入明堂用不然截作任公之釣竿金
螯一掣滄溟溟

題徐隱君清樂堂

泉冷：石鑿：在山泉清出山濁人生何如在家樂南州
高士不復作北岡有孫甘淡薄卜居長年老邱壑東家買
雞：被縛安識昂：九霄鶴我來南昌古城郭幾度題詩
寄江閣麻姑酒美魚可斫未登公堂同一喙先遣飛廉寄
寥郭

題義雛圖

東海有二雛相逐潮頭飛一雛忽墮水羽翼何紛披一雛
回旋扶不能喑：叫羣驚未已須臾二雛東南來扶之同
入青雲裏嗟尔禽鳥尚同心何況朋類不如禽

送羅生之吏部

魯陽莫駐西飛日精衛莫填東逝波滄波無情白日短柰
此西飛東逝何南昌城東羅孝子捧檄還家二親喜一夜
江頭春水高片帆又逐南風起兒有宜男草種之北堂前
兒有崑崙桃介壽三千年朝盤鯉魚白如玉明年兒歸當
食祿白日可駐海可填兒心報恩同昊天

東汾書舍

吾聞天台之山四萬八千丈連岡疊嶂如游龍金鰲屹立
東海上東汾更在金鰲東開元謫仙好孫子宦游卜得佳
山水讀書聞有宋諸郎遺愛尚傳唐刺史古人不復作悠
悠令我思至今東汾月挂在珊瑚枝我來豫章城解逅在
門客示我東汾之畫圖丹青翠霧仙凡隔安得與子騎鯨
魚拾得東海明月珠試問蓬萊花鳥使弱流清淺今何如

題罔極詩卷

華蓋山頭白雲起孝子呼天淚如水夢隔庭闈四十年心
怀邱隴三千里白日短：雲無根有身莫報罔極恩寒食
梨花一枯酒幾家墳上見兒孫兒今食祿司成館俯視長
江流不斷長江不斷深復深何如孝子罔極心

題樵雲

誰樵停斧柯晚我樵雲歌問我住何處乃在山之阿朝樵
林下風暮樵谷中雨林風吹我衣谷雨沾我履何如白雲
深處棲采樵不離雲東西有手自搽修月斧有足能躡登
天梯山頭膚寸崇朝起龍化作天飄水一洗八極黃埃
空隨雲復歸岩壑裏若有人兮被女蘿扳崖度嶺無風波

世間萬事浮雲過樵雲樵雲奈尔何

贈揭季士孫和仲

劍江之水綠于酒夜：清光射斗牛龍泉太阿飛上天宝
氣千年應不朽揭陽孫子玉無瑕云是前朝季士家藏器
待時須努力豈無雷煥與張華

次韻

祈連山頭落日低黃雲萬里天冥迷江南已見雁北向塞
上遙聞烏夜啼南北相望春夢杳可憐日月籠中烏霜高
沙磧劍衣寒月墮穹庐角散曉憶昨日館春茫：手援綠
綺彈宮商得句共誇何水部知音多識蔡中郎神交有道
不可忘至今翰墨留餘香丈夫豈無一掬淚不孝兒女情
徬徨黃河之水東入海別意更比河流長河中鯉魚有書
信時復幸寄瓊瑤章

壽容齋

鉛花洗空霜倒飛金鴉浴海迎朝曦蓬萊宮中青鳥使
啣得玉桃天上歸東海仙翁紫霞會碧落回風響環佩伶倫
玉琯吹鳳皇夜半九九回初陽羲和緩轡紅線長羣仙年
年飛羽觴六甲明年重建子六：周天自今始

題餘慶堂

請以漢谿水注我流霞觴奉君以瑤池千年之桃實贈君
以玉兔萬杵之玄霜春風花開餘慶堂鶴髮倒映青銅光
阿翁手種兩松樹黛色已見參天長子今宦游天一方郭
下思見斑衣裳豈無雙鯉魚路遠不可將但有一寸心直
與漢水流湯：漢水東流入東海餘慶絲：鎮長在

巫山高

巫山高：入天峯頭一：相鉤連上有朝雲萬仞之飛鳥
下有暮雨三峽之啼猿有美人兮山之顛風寒月佩秋娟
娟懸崖厯澗不見見翠霧參差出宮殿須臾吹起大王風
朝雲飛散暮雨空依然十二青夫容

壽友人

丹邱仙人頭雪白玉宇高寒棲不得天日之陽多翠微却
跨黃鶴江南歸山田有秫澗有水鹿車同輓青山裏厯公
以安遺子孫足迹不蹋襄陽市少微之星白煌：直與南
斗相低昂東方小兒骨未銳玉桃親見三千歲安得左持
桃右持觴祝公壽登山堂天台山高四萬八千丈願公與
山同久長

芝原為富春馮孝子作

大樹將軍之子孫何年葬父靈山根仙翁騎鶴去不返但
見紫芝煒：生靈原叢：一杯土上心應念兪心苦千年
石室發幽光得見靈芝如見父人言服之可長年安得靈
魄登飛仙芝生在地父在天鶴歸夜：山之顛

題桂林榮遇圖

白髮劉郎江右住高堂大字書榮遇借問何因得此名向
人指點門前樹年：八月金粟開云是仙翁親手栽異本
定悅天上得清芬應自月中來只今繫馬安安道夢想故
園秋色好匡廬青壓九江深翻笑淮南小山小草木之生
闕盛衰百年培植當清時寄謝子孫毋剪伐青雲留取最
高枝

金谷園

金谷園中春蕩：四十里園紅步障萬斛明珠換綠珠織
歌半落青雲上刀擊珊瑚碎玉飛當是豪俠世所稀撞鐘
考鼓夜復晝二十四友相追隨一朝蹀足河陽市錦華總
逐東流去鸚鵡明朝錯喚人梨花滿地愁如雨

王子喬

天上過：白玉京仙人吹笙弄風鳴七月七日緤氏山身
騎白鶴來人間遨遊青天去不还
王子喬好神仙呼吸日月凌雲烟吹笙弄風遨遊太清
天翩然跨鶴來緤山七月七日遊其間空歌一曲綵雲外
長謝時人去不还

相逢狹斜行

相逢狹斜路借問遊何處男兒不恋家西上長安去大車
麟：朝出關小車已沒雲中山安得兩輪生四角遠遊不
及還家樂

送人之京

夜聞秋雨聲朝發藍官城大帆夾双櫓長歌泝空明經經
女兒黠漸次北央浦手折芙蓉花含情向誰語吳江渺烟
樹七十二峯前三高祠下泊釀酒晚涼天望月垂虹亭楓
橋少延佇寒山夜鐘來鄉夢初回處烏啼闌門柳鹿走姑
蘇臺笑指五湖水鷓夷安在哉且酌惠山泉还過惠山曲
煮茶問陸羽遺經有誰續風波不可度竟舞楊子津回車
丹陽道白日無停輪長揖大茅君丹霞滿空谷欲採松根
苓况乃嚴程趣逶迤遵廣路浩蕩覩龍河矯首丹風闕青

雲鬱嵯峨賢臣四方來劇談堯舜孝鴻毛遇順風脩鱗縱
巨壑夫子天機深常有飯溺心擬獻金鏡錄行陳大宝箴
拂拭鏡中霜登朝未去晚怀宝固有時勿念閩山遠願為
瑚璉器為君登廟堂願為松柏姿為君充棟梁西風吹芡
衣執手情何極有使即寄書無使長相憶

送人赴燕山

神仙中人不易得三花云是神仙術一花一葉著奇芳說
與世人俱不識阿翁生子：生孫南北醫傳良相門一色
杏花隨地種百年大樹至今存憶自六飛南渡後玉帶金
魚賜高手號國曾聞扁鵲來上池何待桑公授鹽官故家
遺慶長壘簞迭奏含宮商東漢中郎知郭泰長安女子識
韓康仲也敲門米話別大帆直指燕山月星漢遙通析木
津関山正及梁園雪紫塞霜高鴈背寒酒酣上馬駝裘單
一已神樓須報捷早憑南使寄書還

題金壘半峰白雲圖

我酌酌金壘遙聞金壘山半峰不可見乃在白雲間它山
豈無白雲白何言茲山有離色兪在天西母在東千里看
雲雨相憶吁嗟乎金之壘兮不可挹以酒漿安得持之登
北堂注以阿母流霞觴醉呼仙人魏伯陽授尔宝訣長生
方母子相看顏色好不勞望雲悲遠道

題漢水幽居

有地不可縮有山不可移如何孝子心日夜思漢谿漢谿
水深清見底中有鯉魚丹砂尾白頭慈母在高堂汲水煮
魚甘且旨兪心願如谿上泉母身願如泉中之青天：蒼

三南卷四
蒼兮泉涓：天泉相依無極年

一勺泉

我池小于盎中有一勺泉泓渟若無底湛然見青天白雲
忽飛來下土相回旋引領意无限我心與之然粲：黃金
鱗如藏九重淵數吾不相及縱心濯清漣千古濠梁趣于
以樂長年

劉氏殺虎行

劉平婦夫戍零陽夜逢虎婦操白刃向虎前寧與夫死不
與虎同天夫死口虎亦歸黃泉嗚呼劉平婦壯氣烈：垂
千年

左顧龜

餘不侯放龜餘不侯上頭龜行盤跚向中流裴回三顧謝
餘黃金金本是無情物鄰爪感之恩報德手及豚魚天弗
違不然何得三鑄左顧龜

挂劍歌

延陵季子珊瑚鉤徐君見之心欲求千金之重價莫酬季
子以心結綢繆徐君在墓劍在腰解劍挂樹風蕭：人生
知己古亦少吁嗟延陵安可招

題山水次韻

我昨夢入丹霞城中猿鶴夜不驚仙翁樓現在咫尺白
玉作臺雲作屏中有一人眉宇好鬢風驂鸞碧雲杪臨風
贈我瓊瑤辭朗若華星照吳平明起向畫圖邊夢耶非耶
心惘然安期先生度瀛海一笑解后東南天別來未竟紅
顏老世間萬事却郭道安得同登四萬八千丈之天台歷

覽西華超東萊玉桃千歲倘可食好寄麻姑書信回

題鴈圖

一鴈觸羅網郡鴻中夜驚彼物尚如此何況弟與兄
芦花霜白天冥冥水寒月黑祇長更豈不聞玄圃昆侖有琪樹
鳳皇長棲最高處

題松石齋

撫長松坐盤石松頭白雲如繭白丹光夜夜穿樹林松下
千年生琥珀長鑿木柄古苔青定擬天寒斲茯苓一曲瑤
琴分半席月明細和風冷

為雲谷隱題謝周小兒卷後

登山莫采連城玉雲卿有子萬事足入海莫探明月珠雲
卿有子知讀書五男二女古亦少卿家得之如得寶大者
筋力強幼者顏色好問之何能得如是周郎家有長生草
雲卿食祿今八千探囊謝擊無一錢此文可比柳州傳報
以遠大非空言

贈魏將軍歌歸餘杭迎母

魏將軍乃在碧海之東隅身長七尺頗有須手提昆吾鐵
照耀蛟龍居丹心報明主日向轅門趨有家天柱下白髮
暮倚閭將軍起聞城上烏夜啼返哺鳴相呼木蘭之舟藍
筍輿遠迎阿母同懽娛西海有蟠桃東海有鯉魚南海有
珊瑚北海有明珠桃以延母千年之遐壽魚以薦母百味
之行厨珊瑚妝母之室帶明珠繫母之羅襦歌鳴擊唾
壺人間母子曾有此樂無嗚呼人間母子曾有此樂無

望思園

望雲：在眼思雲：在心在眼雲易見在心雲更深雲棲
向何處不離墓前樹兒心無時窮雲聚還復去思親貌與
言見親栢與園近望見白石遠望悲黃泉兒今在遠道夢
想樓居好還山会有時灑飯坟上草

送雲季照

昔聞軒轅紀官以雲名今見錢塘雲卿之弟兄弟留江南
兄在北兩地共坐寒羶青先生豈是悠：者氣高不肖居
人下黃河倒卷上青天開口何曾讓班馬平生交義重如
山注意傾情不作雞男子當圖匡濟事人生豈款別離間
屈指九何草：杏花壇上青春好諸生隊：占鰲頭多士
翩：騰鶚表先生與予交有道每一相逢即傾倒負郭寧
無二頃田恨身不向鹽官老雲夫子聽我歌買臣富貴年
已過功名到手苦蹉跎洪濛開天圣人作神龍出河龜出
洛先生竒才玉在璞願如陽城登太孛大江水落秋冥：
送者既醉行者醒請從天上看除目白鴈前頭須寄聲

題望思園

蒼梧九疑勿言遠不隔孤光望鄉眼洞庭七澤勿言深不
滿孝子思家心孝子故山何所有壠上烏啼白楊柳十年
歸夢直窻鏗千里它鄉寒食酒築滄樓居近墓傍空山落
日暮雲黃歲晏天寒思歸去雪後北堂憲草長春暉茫：
天地老一望一思何日了桃花谿上飯胡麻願母長年顏
色好

代道士作

鏗鳴鐘考朗鼓尊前試作胎仙舞金鰲背上三蓬萊碧窻

九見琪花開醉來大叫安期老袖中笑索如瓜枣折花送
子青雲道別後長令顏色好

題湘妃和韻

白月無声老蟾死九點螺髻墮秋水哀弦五十繞青空晚
霞明滅茜帶紅淚痕痕泣幽篁中翠華南巡信不通紙錢
獵、挂霜楓五色雲間回兩龍

十四日與友人月下共酌

好天良夜不易得今宵月圓當二七呼先奔栢招月飲月
落杯中寫瓊液栢行到手君莫停明朝未卜陰與死但願
花前同見月夜、長圓莫教闕

聽沈童子彈琴歌

沈童子玉雪顏年十四彈猗蘭手持三尺鳳皇尾南窓一
拂南風起明珠落、走瑛盤碧澗冷、寫秋水近傳一曲
度関山變徵移商頃刻間落盡桐花三日雨令人側耳竟
忘还

燕中老人歌

桐花半落南窓雨三尺枯桐瘦蛟語燕山老翁雪滿顛尊
前相見說當年向人解唱清平調玉碎崑崙鳳皇叫一声
飛空過絲雲此曲不許人間聞尔當更為歌一闕贈示西
湖歌明月

題李生环玉軒

李公子来自西崑崙于閩河中白石子河年移植蒼山根
碧雲四合不見日入窓空翠涼紛、得非伶倫氏朱之貢
軒轅軒轅臺上調上琯吹得鳳皇五采相騰騫鳳皇城中

鳳之穴結巢下啄青琅玕李公子何翩：伯也如珪璋如
璵璠何不披腹排天閭森然玉筍聯朝班不然借我截為
任公之釣竿一掣海水金鰲翻明年二月春水渾我當拏
舟扣卿門香風堂上振環佩春雨階前羅子孫卿當贈我
青瑤琨何以報之雲錦文卿家令弟未相見寄謝此君須
会面

雒巢行贈博谿姚氏

姚家谿南有高樹双雒飛來復飛去年：結巢生好雛：
大邇來故巢住主翁朝出見雒飛主翁暮歸見雒棲雒声
日报主家喜主翁不惜高樹枝樹大枝高雒巢在驟雨顛
風終不改

送黃千戶还台州衛

天台山高入天此地自古多神仙穀城黃公好孫子豹畧
龍韜有如此朝餐赤城之紫霞夕飲丹池之玉醴今年分
守鹽官城天風嫋：吹華旌星河萬里入東海島嶼不聞
刁斗声方秋復上天台去即是桃花旧時路華頂峯頭月
正圓依然挂在珊瑚樹鹽官父老紛如雲出城走送黃將
軍鳴笳叠鼓動離思一路好山相送迎唱吳歌劝吳酒十
里一亭五里一堠天台山高入南斗將軍之名同不朽

題蘇武还鄉圖

北風何烈：孤臣持漢節蕭：匹馬鳴灑淚河梁别李陵
臺北望閩上十九年中一日还歸拜茂陵松柏下御人驚
見鬢毛斑漢兵萬里穷沙漠遣使和戎慙衛霍留得千年
太史書中郎將在麒麟閣

送百戶張文勝之台州時營造城門

張將軍乃是苗侯之子孫妙年壯氣凌青雲而翁奮迹控
虎衛從戎萬里南天去將軍世祿襲奇勳分鎮夫差射潮
處身騎駿馬白雪毛手提三尺昆吾刀天吳海若不敢動
馮夷伐鼓回秋濤海昌城頭鳴夜柝海昌門是將軍作我
識平生一片心露寫金盤冰出壑昨日城門開將軍躍馬
來今言出門去駕言上天台天山高四萬八千丈明月挂
在瓊臺上回光還照海昌城夜：東西兩望

題沅陵朱指揮蒲萄瓜園上有天曆之印

博望昔使西南夷蒲萄瓜寔何離：傳來中國數千里天
歷畫師曾寫之沅陵將軍好事者此園本是蒼梧野大宛
分種及燉煌何異按圖求駿馬吾聞蒲萄可釀酒瓜硤能
延年方今王化被八埏將軍將軍今張騫

送彭仕貞歸漣川省親

岸芷兮汀蘭風蕭兮蕭露漙：彼美人兮于馬盤桓山川
悠：兮路漫：嗟鴻鴈兮隔雲端又歌曰汀蘭兮岸芷風
蕭：兮路瀟：彼美人兮于馬棲止山川迢：兮路千里
嗟鴻鴈兮隔雲水

送張皋百戶之京

張將軍真丈夫矯如冲霄決雲之快鶴捷如追風掣電之
之神駒昔年倚劔誓無間披甲上馬擒單于論功分鎮東海
隅紫氣直貫蛟人居前年手把今僕姑白日射殺三於菟
去年捕賊黃道湖綠林豪客一掃無張將軍才且武奏鳴
笳喧疊鼓杏花團雪風雨晴東風夾道吹高旌我徒我旅

馬前拜共愛將軍如父兄
長安道上聽馬聲
願留將軍再守鹽官城

禱雨有感

去年六月天不雨
農家到處憂禾黍
縣公一念格天心
三尺甘霖蘓下土
今年不雨夏徂秋
縣公惻怛農心憂西澤
朝乞白龍水東井
暮檄烏龍湫
四出雲興龍出穴
一夜滂沱洗炎熱
縣公有祿農有租
喜雨亭成碑可揭
使天雨玉復雨珠
飢不可食寒不襦
我今歌詠豐年屢
大書特書不一書

夢遊廬山歌

我有紫霞想夢遊
匡廬峯仙人凌絕頂
手掉金芙蓉芙蓉亭
：九天上疊嶂騰
：湧波浪五色雲中白鹿鳴
三更海底金鷄唱
懸崖瀑布從天來
匹練倒界青天開
高人似是陸脩靜
邀我石磴行
莓苔九江秀色可攬結
欲跨長鱷捉明月
望斷蓬萊青鳥書
琪花落盡無人折
飛身上挹香鑪
煙坐我九疊屏
風前翻然拜手招
五老一笑彷彿三千年
松風冷：吹夢覺
鶴背高寒露花落
早知此境隔塵凡
只合棲神向邱壑
何人寫此江上山
雲山與我心俱閒
明當會碾颯輪去
長謝時人竟不還

長平箭頭歌

戰長平四十萬人同日坑
古苔蝕血銅花青
千年金幹催白翎
空遺黃金鏃不射
秦時鹿西出咸陽門
哀：鬼夜哭

題羅浮山人便面圖

我有齊紈之扇面
如大青天之玉盤
中畫羅浮古仙子
風

裳月佩如飛鷺十月江南花信早孔雀屏前春浩、願持
此扇朝暮看一輪寶月長團、

貝宮夫人

海宮瞳、紫貝光瑤妃叫月歸龍堂金蚪蜿蜒翼兩傍手
弄真珠白煌、天寒北渚采瑤芳窈窕宛若驚鴻翔湘南
老竹泣娥皇二十五弦秋夜長

秋思

西山日沒東山紅白蟾夜浴天河東望舒逸駕碾晴空銀
床風葉墮疎桐美人團扇辭漢宮流螢稍、入房櫳空閨
搥練夜未終關山夢長啼早鴻

贈峽川僧

玉堂學士文章好夙昔與師交有道朝罷揮毫寫贈言師
也得之如得寶我亦前身支許流十年不見紫薇秋白頭
未了看山債安得杖藜同一遊

又

吾聞紫微山上應紫微星山中有僧寶趺坐香華亭矍然
玉立獲瞳青閱盡西方華藏金潮音動地天籟作海上魚
龍皆出聽靈鷲西來有黃鶴重、無盡開樓閣月華先照
妙高臺光明雲繞加沙角

題了菴道人魏

吾聞伯陽鍊丹金壘山丹成上天去不還夫容伏火絳泥
冷空有寶訣留人間神仙中人不易得今見其孫有仙骨
手把參同一卷書此書云是傳家物往年騎鶴上玄都袖
有龍虎真人之畫圖雲窓霧閣在咫尺萬里何必尋方壺

歸去西湖飲山祿一榻了然心自足琪花滿地兩嚴寒為
爾高歌洞天曲

題王繼賢山浦樓詩卷

豐城客子王季友復有雲仍繼其後我來五載寓中陵每
想憑高摘星斗棲居宛在城之西中有百尺青雲梯西山
南浦望中見飛雲捲兩天暝迷滕王高閣今何在唯有江
山留勝槩昨夜神龍挾雨來洗出波斯萬螺黛我欲笑拍
洪崖肩飄然駕鴻凌紫煙俯視東溟一杯小門外黃塵空
擾

題王得賢槐陰堂詩卷

三槐何鬱々云是晉公栽自從栽槐後二郎登上台後世
佳孫子買地亦栽槐我願子孫多種德莫負當年王相國

種葵

東園種葵：葉長中有寸心傾太陽去年粟葵花萼少今
年斫葵根本傷但得中天太陽在葵根縱傷心不改

采蘭

陟幽澗兮掇崇蘭葛藟：兮路巒岈思美人兮淚汎瀾心
搖：兮不能餐采芳兮寄遠望佳期兮日晚日云晚兮霜
露多蘭兮蘭兮奈若何

題馬圖

玉花驄氣如雲畫史只數曹將軍將軍畫骨不畫肉韓幹
畫肉神不足此圖與曹畧相似逸氣雄姿有如此何當掣
斷青絲繮任渠蹴蹋天河水

題雪心上人畫梅

不見雪心人鐵心花更好雪心人寫鐵心花京路緇塵向
誰道夜深天女散花來縞衣飛下瓊瑤臺鐵心如石不可
轉雪心如玉渾無埃

送人之京

烏啼山頭日杲、丁蘭井上桐英老徵書催起孝廉船慈
母倚門兒在道楊子江邊多鯉魚一日兩朝須寄書五月
臨平蕩花發臨風送別意峙蹻

送張稅使

朝看長安花暮折長安柳、條鵝色黃映我杯中酒君車
上天去我笠歸山中今朝一分手它日還相逢相逢須下
車相見須下馬有使過長安寄書虹橋下

小姑

漠、山隔霧冥、水涵天舟人起相報行遇小姑前推蓬
問姑、不語不省姑年今幾許姑云獨立大江濱一生不
蹋名利塵媿爾東西南北人

送臨海張司訓

天台山高四萬八千丈我昔飛夢遊其間天鷄二唱海色
動瓊臺銀闕高嶂碧留候之孫江海士磊落襟懷有如此
三年把釣掣金鰲文采珊瑚湛秋水子居東越我白吳一
朝邂逅青雲衢得魚賓館休彈缺挾策王門且曳裾二月
江波綠如酒我亦張帆大江右洪崖山頂望春晴一度想
思一回首

贈別

正月二月春風來桃花李花猶未開故人酌我一杯酒恰

似漢水蒲萄醅解后關西好孫子磊落竒才有如此况有
能詩何水曹尊前談笑清風起揚子江頭春水生一帆東
指鹽官城明朝我亦南昌去長倚香鑪望晚晴

落星石

落星石何磊々既不補青天又不填滄海屹立中流竟何
待銀河一水夜迢々胡不上天橫作橋

送萬玉潤往杭州

朝看玄都花暮折洪都柳笑拍洪崖肩醉酌麻姑酒槐里
堂上好弟兄去年相別鳳皇城却憐春草池塘夢飛過南
州孺子亭浩飲酣歌復相見白頭頓覺身強健此地豈無
新相知新知何如故交面伯也買牛歸力田仲也又上東
吳船我家正在南斗下卜築草堂滄海邊荷葉圓時君定
到一段離情向誰道稍待秋風白鴈來便中先寄烏紗帽

梅竹軒

徐卿自是麒麟駒當軒種樹玉不如雪後疎花映脩竹倚
竹看花仍讀書不如縞衣仙人心似鐵翠袖天寒更清絕歲晚
能全金石交平生不改冰霜節邇來將跨葛陂龍翩然直
上珠崖峯與卿別後相思處好在黃昏明月中

題扇贈萬玉立

枇杷兩足風日清故人別我豫章城相思一日復相見使
我白髮生千莖章江碧樹三十里馬啼蹴蹋青雲起問誰
此地最知心槐里堂中好兄弟

泮浦書堂

上山逐翠羽入海深明珠翠羽出南粵何如阿翁築堂免

讀書翁昔有堂臨泮浦群山如龍青入戶弦歌聲繞五羊城直把番禺作鄒魯仙梯曾躡廣寒宮教鐸來振東湖東昨者王門一相見襟懷磊落生秋風何當借我端谿硯醉墨淋漓寫詩卷生男但學梁伯鸞翠羽明珠何足羨

送鍾孟振服滿之京

豫章城中頭白烏結巢樹頭生好雛一朝雛飛上天去昨夜思歸故巢樹故巢樹老何所依葬烏在山雛乃歸雛歸啞、不見母三年淚洒墳前土雛今振羽挾青雲五色鳳凰同作群上林有枝風日好雛兮上天當及早

贈峽川僧

山色谿聲語未終朝天又拜紫泥封蒼苔林中灑甘露犀牛扇低揚清風我亦平生愛山野師今共結東林社稍待枇杷春雪晴乘閑來借支郎馬

題夏珪畫

三日大醉喚不醒夢到九疊芙蓉屏兩崖中斲寫飛瀑匹練界破青天青高人似是陶與陸坐聽松聲飲山渌覺來忽向畫中看回首秋雲滿岸岩谷

送繼甫之京

爾祖文章妙天下前朝聲價高班馬黃金有象鑄莫成白雪無弦和應寡我識若翁東海邊與子論交三十年茅屋蕭、坐風雨布衣落、棲林泉九重詔下徵賢士眼中之人得吾子鳳鳥及時當一鳴神駒墮地須千里官船十月度龍河有信還憑白鴈過聖德如天無遠近除書早晚定如何

和朱彥倫教諭題山水障歌

蓬萊仙人居五城六鰲帶山波不驚吮豪池頭闔畫史掃
霧驅烟移翠屏城中無山愛山好凭軒迴出秋雲杪似有
青猿隔薜蘿直疑白鶴回穹昊此中逸興浩無邊流水桃
花心杳然括蒼^先相生偶相遇想像石門之洞天石門洞口
松花老中有飛泉來一道丹崖拔地千仞高玉筍凌空衆
山抱軒轅騎龍登上台下視培塿皆蒿萊從今慎勿念鄉
里一日看畫須千回

揚子江阻風戲東同舟諸友

金焦兩山青突兀人言下有蛟龍窟颶風吹浪打船頭白
日低昂天到流安得列禦寇三清八極同遨遊

送王河泊

楚人歌竹枝吳人歌白苧寄言黃帽郎停舟向江渚江渚
清漣漪江風吹客衣三載一朝別寧無千里思子乘道上
車我戴山中笠他日若相逢還當下車揖雩陽好山水三
江接龍門願託雙鯉魚時時寄平安

望雲軒與太學生焦思齊賦

白雲何重：乃在蜀川之西夫容之峰太學儒生念慈母
望雲千里心忡：朝望雲在西夕望雲在東白雲有聚散
此心無終窮兒昔在家時手種宜男草阿母倚堂門看花
顏色好兒今兩年不得還夢裡猶懷蜀道難秋風吹夢渡
江去飛繞太白蛾眉間意匠經營勞畫史別情深似巴江
水犬夫當學狄司空讀書莫忘孝與忠

題文昌圖

星中之君號文昌開闢造化分玄黃脩髯玉立頤而長黼
黻雲漢昭天章駕風鞭霆遊八荒下視九點烟蒼：我欲
從之翺且翔翩然騎雲朝紫皇勾陳玄武森在傍呈琅玕
兮沐恩光是用作歌孝友張福我壽我期無疆

一天秋月為侯少府所作

仙人高居離華峰手把五色金夫容駉鸞翳鳳朝九重翩
然出入蓬萊宮軒轅上天騎白龍群臣泣抱烏號弓八年
鴻臚贊翊功帝命出佑天南東鳳城百雉盤脩虹海水直
與銀河通仙人披錦袍玉立冰壺中笑呼東方白兔公周
覽八極氛埃空廣寒三萬六千戶借問誰持修月斧上界
清虛隔風雨應知照見顛崖苦兜寒思母衣兒飢思母哺
莫向人間照歌舞為天作眼萬：古

題蘭雪軒

魯連解世紛談笑却秦軍功成蹈東海千載揚清芬皎
天上雪可以比高潔英：谷中蘭可以喻清節開元供奉
李謫仙神交個儻知仲連一歌清風灑蘭雪讀之使我神
飄然鳳凰山前隱居者水石軒窓亦瀟灑何時酌我蒲萄
醅大笑長歌呼白也

望三茅山

吾聞句曲三洞天此地往、多神仙三茅兄弟鍊金液何
年駕鴻凌紫烟大峯小峯青可愛中峯更在丹霞外似聞
碧落度笙箫彷彿冷風振環佩停車一覽心神開忽有白
鶴從東來明東借我上天去手把夫容朝玉臺

鵝湖舟中玩月四月十五夜

三五月挂在鵝湖東方舟泛流光坐我青天中低頭
看月月在水倒影嫦娥呼不起三更露下苧袍涼恍然濯
足銀河裏城南斗酒真珠紅與月共醉蛟人宮醒來月落
不知處張帆且趁清明風

題梅花村民為嚴司征作

我昨夢入梅花邨清晨有客來扣門為言渝川一佳士貌
比玉雪清而溫平生愛種羅浮樹彷彿羅浮洞中樹積雪
擁門三尺深漁歌樵唱無尋處主翁杖策何逍遙出門一
色皆瓊瑤縞衣仙人夜相訪綠毛么鳳鳴交々寄言渝川
士何為自慕邨野人調羹不入商家鼎止渴不給曹公軍
蘿窓一榻延素月醉來自卧梨花雲我今尚被微官縛夢
中猶想邨中樂憑誰喚起何水曹歲晚題詩寄東閣

梅月雙清歌為憲司經歷賦

羅浮仙人乃在瓊瑤臺炯然玉立無纖埃乾坤清氣不常
有白月飛上青天來常時見花不見月一色梨雪萬株雪
只今有有復有花暮府夫容共清徹吾聞揚州何水曹東
閣賦詩清興高又聞孤山林處士詩名清似西湖水吁嗟
今夜月曾照古時人古今同一處花月長相親冰為神兮
玉為質鐵石心腸人不識會當弄影舞婆娑花前重寫傷
清歌

壽樂堂為潘上舍題

陳綺席進華觴聽我長歌壽樂之高堂々中老人壽而康
金蘭玉樹森在傍世人但願生兒早兒未成人親已老惟
有潘家好弟兄親年未老兒長成綵衣朝々舞花影紅燭

夜：聞書聲進華觴陳綺席五福之中壽居一明年兒當
五鼎食人生此樂終無極

題具慶堂為趙叅議作

日出大梁城照見黃河清黃河清見底四海歌升平紫垣
星高黃道正積善之家有餘慶平原趙公忠孝門食君之
祿承君恩承君恩食君祿白髮高年膺五福堂前大椿八
千歲架上群書三萬軸請以五色綫為補舜衣裳普令天
下人同登具慶堂愛日照：舒以長顛崖化為仁壽域萬
億蒼生賴蘇息

題清致軒

玉湖清冰清徹底銅盤甘露甘如醴一洗胷中萬斛塵揮
毫濯以蕃薇水坐中賓客且勿喧聽我長歌清致之高軒
聞道幽居最清絕人物似是瀛洲仙五峯佳氣鬱不散仰
見華蓋當中天朝：拄笏延爽氣空翠飛落軒楹前自從
負笈登太學借問不歸今幾年山猿野鶴豈無夢綠蘿夜
月秋娟：萬先生何磊落在山泉清出山濁手把夫容朝
紫皇下上青雲騎一鶴會當四海澄其源白日洗天風雨
作

題雷節婦

鳳皇丹山穴雌雄兩相依鳳兮一去不復返孤凰繞樹鳴
聲悲堂前有五柱一：青瓊枝雛今文采生光輝飛翔阿
閣登天池瑤池流玉漿玄圃產金芝孤鳳形影自相弔風
雨故巢終不移

贈張將軍

張將軍乃是留侯之子孫
英姿卓犖起九群
帝令洗劍滄海水
東踰陽谷西崑崙
捷如搏風之快鵠
矯若運海之遊鷗
我願千萬年海水
直與黃河清
海為濠山為城
四境不聞金革聲

東旭軒

我昨夢見摩尼幢
智幢道人忽相過
笑指東方海日紅
恍如東旭軒中坐
浮生擾：大夢中
幾度金雞啼
向東百年三萬六
千日日日出日沒
皆虛空
道人還家見東旭
爾軒何異吾家屋
當窓寶樹唱天雞
隨地金沙接陽谷
我今去蹋東華塵
曙色蒼涼朝紫宸
萬井輓轡霜滿袖
回頭却笑軒中人

豐城寶劍歌送李判簿之京

豐城雙劍如雙龍
何年沈伏泥沙中
騰輝夜：射牛斗
紫氣化為千丈虹
不逢張雷識奇寶
至今甘與凡鐵同
太阿龍泉雌與雄
玩之翕歛生雷風
開元供奉佳孫子
磊落奇才
有如此手提三尺陰
山水鷗鷺膏凝白
鸚尾一劍躍入延平津
一劍飛騰如有神
雙劍相離復相見
何況鄉里同心人
我歌雙劍篇
酌爾一杯酒
會行高步上星辰
有待雲霄重回首

椿憲堂為憲史張彥文作

吾聞廣成子
二百歲居空
同又聞麻姑仙
三見清淺蓬萊東
此見荒唐何足道
不如靈椿與靈草
靈椿得壽歲月長
靈草忘憂顏色好
秀州孝子留侯孫
園有靈椿堂有靈
歲：花開黃鵠背
慈親白髮倚堂門
兒昔在家時讀書秋

樹根上堂問甘旨下堂候寒溫兒今高步霜臺表回望白
雲心燥、但令一日簡書稀歸著班衣舞晴昊豈不聞留
侯曾進黃公履歲晚相從赤松子千載雲仍有祖風移孝
為忠照青史

題畫

遠公昔住廬山下十八人同結社到寺聞鐘即皺眉只
有柴桑姓陶者不知何人寫此圖風致還似東林無阿翁
手持九節杖一童抱琴不受呼今人古人同一調虎谿何
必傳三笑題詩寄謝香鑪峯待我來躡金芙蓉

聽雨軒為夏節兄弟作

朝聽西窓雨暮聽西窓雨暮、復朝、弟兄同笑語雨聲
一夜隔天涯兄在他鄉弟在家千里情牽湘水竹三年夢
繞錦城花吁嗟人事何草、出門不如在家好在家聽雨
聲在林出門聽雨聲在道原上不須悲脊令堂下不須栽
紫荆願言四海皆兄弟來向夏家聽雨聲

送別峯上人之京

我聞澁江靜如練優鉢曇花世稀見千載高安古道場師
來重把西牛扇先皇在時常引見詔許談經大明殿尚方
雲錦賜袈裟甘露天厨分內膳翩然卓錫鷄鳴峯帝遺渡
牀來向東神機鼓舌走飛電玉塵到手揚宗風白雲在天
無所住塔前雙檜為龍去一夜呼龍入鉢來森然化作唐
朝雨五色絲綸下九天師今又蹋大江船山色谿聲何限
意總歸八萬四千言

題雲海

茲上人號雲海一脈曹谿鎮長在何年栢渡東海門拾得
海底珊瑚根上有六鰲峰玄靈結胚暉置之太華芙蓉盆
中有靈響含清溫靈泉貯空碧倒影苔痕上人臨流築高
軒平地幻出祇陀園繙經灑以甘露言寶花亂落青瑤琨
我亦平生好禪者十載夢遊雙樹下正思執熱濯清漣何
由借我支郎馬

峴山樵隱歌為二令劉克和賦

劉侯襄陽人自言襄陽好樵居卜隱峴山陽漢水一江流
浩、朝汲江上水暮樵山中雲拂石坐垂釣讀書行負薪
笑殺風流晉山簡習家池頭意蕭散小兒拍手唱銅鞮馬
上歸來不知晚更憶羊公墮淚悲英雄一代令人思鳴笳
疊鼓白日動千載以來如見之漢江之水蒲萄綠日暮行
歌大堤曲大堤女兒花滿頭把臂蹋歌歌不足宦轍東西
十五年前程如此隔三千夜來夢逐南風去直到龐公舊
宅前石田可耕山可屋瑤草金芝滿丹谷功成他日賦歸
來我亦相從學樵牧

贈醫士邵士清

丹井西頭山澤癯平生愛讀軒轅書石田有芝養白鶴瑣
闥無佩懸金魚前年別我朝天去藥籠參苓隨所寓歸來
卜築兩山間繞屋杏花春滿樹木蘭之楫沙棠舟市上孰
知韓伯休一水相望五十里峽雲江樹思悠、

題望雲圖

我家望雲二千里君家只隔一江水北堂豈無憲草花生
男不得長在家願免讀書忠與孝阿母看花長壽考母昔

在家時佩以宜男草母今生子後慈顏長不老樹黨北堂
下葉：書帶長兒年日以盛母壽日以康兒有崑崙桃壽
母三千歲兒有紫霞觴勸母花前醉富春水有金鯉魚富
春山有油壁車有車可乘魚可膾歲：看花北堂背

送褊二令秩滿之京

我聞南州古南雄梅花庾嶺當春風乾坤旁薄毓神秀乃
有文章榻廸功三載作官東海邑頑夫能廉懦夫立胥曹
束手戒貪婪醜類革心俱辟易杏花二月春雨晴東風嫋
嫋吹華旌今年攷績之瑤京耄倪夾道相送迎使君此行
須奏最復見疲氓借河內

送百戶徐叔平之甘州

徐卿有子天馬駒從戒甘州十載餘白雲東望八千里夜
夜夢繞鴛鴦湖鴛鴦雙飛復雙宿湖中鯉魚白如玉腰下
能懸寶玦還水邊不用金錢卜左持張掖酒右進涼蒲萄
上堂舞萊衣暫脫戰時袍別家復向甘州去簡書有程那
久住鴈落黃雲塞上蘆烏啼白月庭前樹吾聞李牧今守
邊：庭四境俱晏然椎牛饗士開屯田星河遠近同一天
願卿父子長壽考壯士不須憂遠道

送人歸省還京

朝望南山雲夕望北山雲游子在遠道時：思見親憶昔
別家時父母年未老兒着五色衣上堂顏色好東市買白
苧西市買烏紗白苧製寬袍烏巾簪好花三年游太學讀
易司成館春暉一何長草心一何短陽成弟子有何蕃優
詔特許免南還堂前靈鵲頻報喜飛傍宜男花樹間父母

聞兜歸黃色浮雙眉大兄聞弟歸出郭身欲飛小弟見兄
歸持觴細割黃金鷄入門快意無不足城中少年徒碌碌
大江水落秋風生兒留三月還復行九天閻闔五雲近張
帆上拂牽牛星萬方冠冕朝玉京老眼復見黃河清黃河
清四海一願保千金軀比之雙白璧

送黃鍊師還天台

吾聞天台山高四萬八千丈中有玉平之洞天丹霞赤日
照林壑此地往々多神仙神仙中人不易得黃公之孫有
仙骨放浪江湖四十年春風落盡柳花碧海邊樓觀臨蓬
萊何年飛舄從東來絲綸五色詔遺逸手把芙蓉朝玉臺
昔我題詩過方丈令我臨風倍惆悵不見遼東一鶴歸步
虛聲落青天上我有一掬淚不灑三十春但哭市井交何
曾哭仙人我知仙人長不死晝夜循環亦如此

送道瀾上人還天界

道瀾上人好文采舌如波瀾性如海犀牛扇子破多時留
得千年公案在別峯禪老日邊來金蘭照日天花開皎如
一片秋水鏡置在七寶青蓮臺室中弟子多聞道見性無
如道瀾早結社曾邀陶令過論詩每愛支郎好飄然飛錫
向何方第一禪林古道場且對黃花談般若更留教日過
重陽

贈鯁僧會

天目之山自西來群龍回繞青蓮臺千年翠氣鬱不散化
成樓閣重々開上人自是僧中寶黃鶴峯前坐來好天風
吹動雜花林山色豁聲談未了昨者鳳凰啣紫泥潮音却

度海門西海門月照白毫相濁水倒影澄摩尼我亦前身
許玄度半生頗有烟霞趣夜來八萬四千言笑對黃花獨
無語

題雙松圖贈司虞趙子瑛

吾聞泰華山上有千尺之長松白雲英、出其顛天門日
觀遙相通三更鷄鳴海水赤羲和攬轡騎飛龍松下高人
坐盤石金芝瑤草青茸、三年釣鰲東海上奏最去謁明
光宮棟梁之材當大用大夫不讓秦時封贈君此圖千里
翫長見青、齊魯東

題太古子為分水縣佐蘇侯賦

八風不動地軸寧六合無塵天宇清聖人在位羅群英干
魯化為弦誦聲蘇侯紹芳德彌馨邂逅賢宮舒我情笑談
霏、甘露濃意氣落、秋風生為言佐政分水城樓船東
下窺滄溟海門山水多奇異西通月窟東高麗天鷄夜半
啼一聲壁采金光絢霞氣蓬萊更在天東隅欲跨颯輪遊
八區麻姑別去音信斷弱流清淺今何如太阿躍出豐城
獄斫斷三山巨鰲足九苞鳴鳳信有神結巢宛在珠樹林
雲窓霧閣應可到海若天吳安敢鎮山可登兮水可臨嗟
我白髮秋霜侵幸逢昭代寬且仁梯航重譯輸南金自從
天地一開闢凡有血氣皆親、我欲入海攀鯨鱗手探明
珠弗顧身安得昌山雙玉瑄吹徹太古義皇心義皇之心
萬、古且酌百瓮蒲萄春

題貞婦胡氏貢姑

妾薄命向誰道生不學空中花死甘為牆下草牆下草生

不離家風中花泊天之涯爺孃早亡阿弟死膝下呱呱遺
一子婦守嫠居不二天形影相依心若水

送判府萬侯秩滿如京

南昌萬使君乃是東漢將軍之子孫家有槐里堂世稱忠
義門銳如豐城之寶劍矯若滄海之遊鷗一旦雄才際昌
運三年出佐東南郡寒谷陽春化日長玉壺夜月清冰瑩
鴈背霜高江水清雲帆曉發鳳凰城長安渡頭喧疊鼓共
輓官船留判府判府今年朝玉京心知萬億蒼生苦建子
之月梅花開臘後春前侯復來天上應頌五色誥馬蹄重
蹋長安道

題虞太守畫

昨夜夢入茅君山平明飛落秋堂間一色芙蓉倚天碧千
岩萬壑何盤盤蓬萊宮中青鳥使忽寄數行雲錦字玩之
使我神飛揚排雲擬接冷風袂虞夫子瀛洲仙自與山別
來宦遊南北今幾年金堂石室歲月久洞花谿鳥仍依然
采芝有田洗木有泉蘿月可席松風可弦山中之樂不可
極青壁有路何由緣會當攬轡清中原麟符虎節朝九天
西尋赤松子東揖魯仲連功成却賦歸來篇寄謝三茅君
此時我髮不再玄安得騎鸞下上相周旋相周旋鍊金液
摩挲老眼望時青更乞還丹生羽翼

定水歌

定水定水何曾定活水源頭本清淨八風不動常自清一
片渾如大圓鏡老禪默坐古盤陀心如定水元無波俯視
長江一栝小朝潮夕汐何蕩摩無始以來皆定業擾々勞

坐千萬劫白頭他日挂冠歸重見一花開五葉

題望雲圖為太學生史孟彬作

兒昔望雲在天兒今望雲在泉雲在天邊見有日雲在泉下歸何年兒心一寸春暉草阿母倚門兒在道太學三年歸有程當時恨不還家早白楊日多悲風兒歸却掃墳上松千駟萬鐘多不願但願名書忠孝傳

篆書歌送胡士敬游同安

洪濛開天聖人作神龍出河龜出洛自從造化一中分鳥迹蟲魚混冥漠史籀篆刻周宣古李斯書傳和氏璞漢魏以來千百年字體紛紜互參錯我從洪都詢古學宗人邈迨滕王閣千金不售書滿橐燕尾蠶頭古釵脚鉤如強弩點如石動為河流靜為嶽親王召見墨池頭繭紙鸞牋縱揮霍晴窻白晝風雨來蛟龍盤拏虎鳳躍吾宗意氣何卓犖翩然如跨揚州鶴今春別我上同安七星已挂蒼龍角蘭州暫向章江泊酒笑傾銀鑿落人生交遊無厚薄快意相知且為樂吳歌一曲寫予懷目送飛鴻起寥廓

中秋

絳河帖：星不流玉露夜墮芙蓉洲仙家五城十二樓恍然生我冰壺秋龍宮蓮花白浮：頂臆涌出豫章溝舉觴喚月：少留月不解飲令人愁少年綠髮今白頭六十九度經中秋

望夫石

朝望夫不歸夕望夫不歸化為山頭石夫歸定何時妾身化石尚可轉妾心如鐵無人知

焦仲卿婦辭

黃鵠上青天雌雄相頡頏妾年十四五學繡金鴛鴦父母
養妾在洞房寸步何曾出中堂嫁作廬江焦氏婦低眉不
離老姑傍春月浴吳蠶秋風織流黃烹魚朝具饌秉燭夜
縫裳不知姑何意命妾別廬江梧桐不復生鳳凰不得雙
卽心如石不可轉妾如蒲葦不可斷妾家有暴兄一旦來
相迎玉驄金絡馬軋、車輪聲遣妾移所天出門無少停
暴兄安能知妾情妾今無故來歸寧女子足不踐二庭廬
江之水清冷、吁嗟乎焦仲卿

從軍行

千金買紫燕百金買龍泉燕紫嘶白日龍泉倚青天凌晨
出門去莫忘庭前樹、上烏生三四雛年、結巢來哺烏

北山行送人還富春

北山、下草堂開北山先生安在哉先生名與山不朽何
異魯望尊徂徠子孫世居北山下况爾更多英俊才弟也
能通學劍術兄復能起讀書臺邦家之基在今日詩人所
宜歌有萊赤松亭前采藥去黃公洞口看花來棲鶴寥、
海天碧白雲南望心裴回

紫薇花下

我非紫薇卽愛種紫薇花紫薇亦愛詩人家今年試花如
絳霞清晨看花心自喜中夜裴回月明裏不隨紅日上東
廊影過八磚猶未起

寄宋山人

青鳥飛來東海隅啣得雲中雲錦書、中落、三百字一

字一顆鮫人珠三年不見蘭臺令別去亳州無好信楚鴻
日夜嘆離群越鳥天寒棲不定近報卜居湖上頭木蘭為
檝桂為舟明朝會買官餅酒醉眼看山同一遊

梅憲為凱上人賦

凱上人南遊越王之古臺飛錫近自龍谿來雪晴戴笠走
相訪為報憲外梅花開大庾嶺頭春信早五葉一花談未
了曹谿香水接龍谿鐵石心腸向誰道鐵中有黃金鑄出
瑰音磊落之貞心石中有白璧琢出翠律暫碧之老骨何
年移種龍谿傍影落加沙月到憲維摩帳底定初起天女
散花春滿堂凱上人向何處來往虛空本無住二千里外
白頭翁三年不蹋西湖路山中猿鶴寄書來我亦相期看
花去

暮春病起

春日遲遲出陽谷桃花能紅柳條綠柳上倉庚催夢醒花
間蝴蝶勸人行綠窻剪刀金兩股剪吳羅對花舞對花舞
為花歌百年懽樂能幾何但願長繩繫羲去把酒留春
莫去

題風木卷為丁孝子賦

風在天木在地暫時會合為離異木在地風在天風聲不
到九重泉丁蘭肖母曾刻木丁令化鶴歸何年我願風聲
長在耳世世人稱丁孝子縱使木高千萬尋不及孤兒方
寸心

題趙子昂畫西馬為褚奉祠作

前朝學士趙王孫畫馬傳得王將軍此圖骨相何所致萬

里來自西崑崙玄雲覆身蹄削玉霧鬣風髻雷為目珊瑚
絡腦青絲纏遠戎牽來字天育雄姿矯、當赤墀神駿不
許人間騎玉堂揮灑歲月久河南祠官今得之吾皇仁化
被八極騷衰驂騑盈數億日出日沒皆封疆求駿何煩画
中索老我衰年髮已蒼惠養每思田子方何幸生逢太平
日歸馬華山春草長祠官藏之慎勿褻留取郢中歌白雪

送寧上人住玉谿

寧上人乃是妙喜之雲孫西江一口吸不盡又向玉谿尋
白雲玉谿微澗清見底千年派接曹谿水松風吹作海潮
音重、樓閣凌空起到寺欣逢大閏年寶夜如雨散珠天
有約中秋月明夜待余來問木樨禪

贈庸信菴上人建盧大夫橋

昔聞盧大夫作橋長安市宛如青天虹墮影長河水一朝
乘風飛上天公無渡河公莫前老禪白雪垂兩肩金錫擲
地風冷然女媧鍊石不受鞭化為飛龍卧晴川我來脚踏
金鰲背歎歌聲落青雲外相如題柱最多情好結天風紫
霞佩

分題得海門洪濤送友人之閩

朝登東海門遙望樽桑暎波濤浩無際推出黃金盆河流
九派來崑崙百川朝宗皆駿奔但見東南一花起匹練界
破青天痕魚龍乘時六變化珠宮顛蕩珊瑚根初如峨眉
山西太古雪驚雷碾空地欲裂又如蓬萊巨鰲十五頭涌
起三山白銀闕中有仙人駕颿車遨遊玄圃躡瓊瑤長風
破浪在咫尺直跨鵬翼凌天衢凌天衢度南海麻姑儻有

寄來書荔子船回早相待

莫望雲

莫望雲望雲：漸遠故鄉雲在心他鄉雲在眼雲在他鄉
眼何如故鄉心雲近尚可望雲遠思轉深人生誰無母子
心良獨苦峨眉太白青入天不及家山一抔土

望雲亭

朝望雲在東夕望雲在西如何母與子各在天一涯関中
去家數千里夢繞西湖一枯水回看天際白雲飛片：盡
從東海起雲近尚可望雲遠思轉深関山夜月三年笛
草春暉一寸心劔閣縈回接雲棧太白蛾眉青在眼安得
爾雲化為五色衣朝：暮：當庭闌朝：暮：當庭闌不
勞望雲懷遠歸

烏程謠

我家昔在烏程住三百年來不歸去聞說烏程令尹賢移
家欲種烏程田明朝去買烏程酒東白堂前種楊柳柳上
啼烏報五更排衙鼓動官馬鳴裏頭丁男應門戶莫待日
高：犬五

陽城耕雨歌

春雲陰：釀春雨荷鋤朝出三家墅草滿南坡犢子肥一
簑一笠雨中歸千頃水田飛白鳥雨足泥深梯稗少大樹
將軍好子孫輒耕隴上如龐老人間別有方寸心此地可
作商家霖先生硯田耕未了屋頭布穀鳴春曉

題鎮撫扇

將軍紫騮馬手挽青絲繩避暑向何處城南風閣涼夜半

金鷄出暘谷東望博桑西若木不須強弩射潮頭萬里鯨
鯢俱偃伏新裁白苧雪花明手持羽扇清風生壯士吹葭
月如畫卧聽城頭報更漏

贈燕山老妓歌

燕山老妓七十餘少小蘇門城下居自言生長太平日蹋
徧江南西子湖水湖山近城郭五步一樓十步閣春風
酒舫載瑤箏夜月歌臺卷珠箔東家蝴蝶過西家十里湖
波泛落花蘇小門嘶五花馬段家橋碾七香車早年傳得
伊州曲翠舞珠歌滿華屋芍藥春明和玉箫海棠夜醉添
銀燭一曲清歌一束綾歌聲上過流雲行韓娥齒讓歎西
白道女眉妒春山青轉首繇華何草不道青春暗中老

悲白頭翁

白頭翁生長太平世吳歌楚舞少年時老來猶說歡娛地
歡娛地良可悲洛陽牡丹無故主金谷海棠非昔時千年
買花豈不好回首池頭變芳艸秋霜昨夜鏡中來花枝照
眼令人衰

題母子猫圖

大猫辨、虎豹姿小猫白、如狡獬辨者是母白者兒石
落畫卧春遲、兒能跳跟母不知牡丹花前蝴蝶飛薄荷
葉底耐晴暉小鬟谿頭買魚去月下敲盆呼爾歸豈不聞
東家韓盧知報主夜深防盜兼捕鼠

題楚江春曉圖

巴水雪消流浩、三峽猿聲啼不了舟人挂帆南斗底斑
竹林深鷄唱曉大船小船相逐來小船先待大船開黃陵

廟前風浪惡小船還依大船泊共禱龍神拋紙錢
玆杯凶惡聽巫言但祝遠人心地好烏紗巾上有青天

題茅山外月奔月卮歌

瑤池羿妃奔入月竊得丹砂鍊金骨何年躍入龍王宮
千丈虹光射銀濶茅山外史口懸河長鱷吸海翻白螺
夜半銅山泣秋露化為萬斛黃金波空歌笑落瓊臺表
傲晚乾坤一栝小月中若許築糟臺我亦騎鸞天上來

題馬公肅墓池瑞蓮

種花莫種忘憂艸馬家池頭花更好去年一栝生兩房
兒在潁川歸故鄉兒歸見花不見母一寸心如蓮莖苦
也知天與好兒孫戢青頭聯牖戶公荷恰似小兒拳
迎門索束當母前勸兒舌蓮須食蓼辛苦讀書知味少
願花並蒂年一開一度看花兒一來

題梅圖次胡龍臣韻

梁園賓客看花處錦障圍春花滿樹一朝池館綠雲空
可恨留春不住豈若孤山雪後花年一開向老逋家自信
貞心同鐵石肯隨凡卉混塵沙明月半窻閑徙倚展畫看
詩思無已華表千年鶴不歸霜花滿地天如水

輓府幕陳友寬妻

棠梨花落春沈美人隔窻鳴素琴一彈離鸞之古調再
理別鶴之哀音百年夫婦願諧老豈信紅顏不常保昔如
南山連理枝今作秋風斷根草牽牛織女兩相忘一旦化
為參與商願即長開故筵筍念妾莫換新衣裳

延月軒

延月復延月延月上青天月本無私照流光入軒軒入詠
樓中好孫子當時月照雙谿水不知千載落誰家只今飛
入華堂裏東家延月照綺羅雪兒起舞雲娘歌西家延月
照珠翠紅燭花偏錦袍醉何如清夜掃前除留月照我琴
與書

題子猷訪戴圖

燕山雪花大如掌沙磧瓊瑤深一丈萬里寒雲鳥不飛驅
車北渡河冰上豈識山陰有剡溪白月墜水風吹衣子猷
忽爾清興發夜半乘舟訪戴逵此時此興良不惡一幅生
絹亦奇作爭作蘓卿節旄千年圖在麒麟閣

題望峽軒

雙峽何亭亭如弟復如兄紫微劉郎去已遠山今猶有紫
薇名太學儒生未三十玉樹英向人立堂上有親今白
頭晨昏定省嗟何及書往書來春復秋壁水竟作三年留
鳳皇臺上一回首千里雲生東海頭東海東頭白雲起望
峽之心何日已安得爾雲化為五色衣朝暮當庭閣
朝暮當庭閣不勞望雲思遠歸

龍尾山隱者歌

龍尾之山青死蟪何年躍出東南天夸娥不能為之負祖
龍不能為之鞭雷公雷母相後先珠光壁采生重淵中有
幽人顏色好自采青芝拾瑤草大丹鍊就金芙蓉世人得
之如得寶我昨乘閒一訪君清晝柴扉封白雲欲覓仙蹤
不知處薜蘿涼月秋紛紛我無隋侯珠何以報區區明當
南還大庾嶺青鳥來時須寄書

贈峽川醫士部員

紫薇山前鶴髮翁古心古貌古人同朝漱玉於葛洪之丹
井夕棲雲于顧况之青峯大丹鍊就金芙蓉神方傳自婆
竭宮白石可裂黃金可鎔有恒之心天地無窮

題姜潤堂怡老堂圖

天目山來錢塘廟如丹霄五鳳下矯若碧海群龍翔金輝
壁采照城郭中有姜家怡老之高堂有卜不應非熊兆有
手不釣磻谿璜堂中阿翁壽而康堂下佳兒聯鴈行盤行
白玉鱠觴進青霞燦松花落雪高雲涼松根茯苓如雪香
左江右湖流湯、願言壽比廣成子千二百歲同其長

題三香圖

拾翠羽采明珠美人宛在滄洲居梅為兄礬為弟一相相
逢大江水江水澄、羅襪寒雙井詩人誰共看秋風雙井
芙蓉老太史當年被花恼揮毫曾賦水仙詩礬弟梅兄奇
絕倒三香之圖風骨清信知難弟復難兄昨夜月明江水
白出門一笑見高情

題張文顯梅月山齋詩卷

盈、羅浮華皎、羅浮月渺、羅浮雲粲、羅浮雪我昔
夢入羅浮天縞衣仙子神飄然綠毛公鳳隔花語別來仿
彿三千年子今贈我雲錦牋何以報之瓊瑤篇相思一夜
月如練歲寒長見春風面

題學釣軒

炎祚真人騎赤龍故人傲睨軒王公身披羊裘隱澤中手
弄一絲江上風客星夜臨紫極宮釣臺高並雲臺功復有

雲孫千載下讀書豈是煦：者司征海上六年餘古貌古
心知者寡琴江東去水滴：石上珊瑚明月高拂衣別我
且歸去持竿釣取黃金鰲

題杏林別墅圖

我聞于使君種杏碧山下他山豈無丹杏花不及家山種
來者高堂中有白髮親看花酌酒娛青春免今去家二千
里作官只飲三衢水三衢水清連漪年：杏花開滿枝點
綴五色斑斕衣阿翁袖有金光草令人服之顏色好別墅
春風日：來花落花開長不老

秦駐山殺虎歌

秦駐山頭祖龍廟月黑天寒聞虎嘯將軍手挽烏角弓平
明入山尋虎蹤叢篁秀水鬱重：陰壑慘淡來悲風山靈
白晝驅虎出壯士跳踉與之敵雄牙利爪善搏人大劍長
鎗俱辟易我今三箭信有神勇氣不讓飛將軍山中一朝
除虎害四境掃蕩無妖紛封章奏徹洞庭上聖主聞知頒
內賞安得儲公數十人一時蘇息東南民

重題湧金門外殺虎歌

昔聞堯舜世大禹平水土虎豹犀象驅遠之萬億蒼生皆
按堵儲將軍雄且武一朝手挽烏號弓射殺南山白額虎
白額虎視眈：朝遊城之東暮遊城之南不有將軍一身
膽縱此飛類民何堪豈不聞牛哀七日化為虎獸面不知
兄與父縛虎易知人難方今聖德天地寬但願將軍鎮藩
翰人不化虎四海皆清安

題槐陰書舍

天有三台地有三槐云是晉公親手栽三槐如雲復如蓋
果應二郎居鼎膺時當景德祥符間柱石廊廟安如山世
澤傳來三百載復有孫子登朝班槐葉陰覆書屋不數
鄴侯三萬軸繡衣金節玉花驄行部歸看滿庭綠春暉堂
前烏夜啼結在多在青雲枝青雲枝上烏啼處他年留作
甘棠樹

送憲司知事吳君攷績之京

江之水清且澗明如鏡直如弦青驄繫著江邊樹繡衣攷
績朝天去津人伐鼓送樓船十丈雲帆南斗邊鱸波帖
風不起使君之心有如水激濁揚清振綱紀萬歲千秋報
天子

送吳司幕秩滿之京

歌南薰調素琴人生會合無古今古人不受暮夜金今人
豈無古人心河南吳公好孫子脩篲如恭心如冰三年贊
畫簡書勞芙蓉幕下清風起調素琴歌南薰南陽宗資今
見君江花冥冥江水春百丈牽船登要津鳳凰池上恩波
重天官攷績承天寵冥鴻萬里挾浮雲自古有才當大用

題直翁胡重器詩卷

直莫如虞帝之琴弦曲莫如任公之釣鉤直弦可彈太古
調曲鉤謾掣金鰲頭人心趣舍各有道曲鉤何如直弦好
在天勿作彎弧星在地當為指佞草直翁直翁聽我歌出
門紛歧路多我願萬斛舟不涉九曲河我願千里足不
馳九折坡翁今有子鳴朝珂履道坦平不願董狐之筆
如操戈千秋萬古名弗磨翁當餘年養太和子孫世居安

樂窩

題航為俞叔銘作

野水兮幽，野航兮悠，動吾行兮浮，靜吾止兮休，
逍遙兮中州，浩蕩兮安流，憑虛兮天遊，沿月兮棹謳，彼坳
堂之杯兮孰若以芥而為舟，噫委身大造兮任吾去留。

題朱氏椿憲堂

吾聞漆園之木八千秋，又聞北堂憲草能忘憂，朱卿夫婦
俱白頭兒也，貢入帝王州，口傳天語出丹闕，馬蹄躡徧閩
山月兒心何以報春暉，回望飛雲隔吳越，左手摩荔子，右
手持檳榔，他山豈不好，不如歸故鄉，登朝見天子，沐浴承
休光，龍河雪消春水長，願乞還家三釜養，入門堂上見椿
萱，靈柯銳葉俱無恙，讀書椿樹下，進酒憲花傍，更分白兔
所搗之玄霜，父兮母兮髮蒼蒼，金蘭玉樹照庭戶，直與竇
家五桂同芬芳。

謝南康張少府惠帶

南康少府休官日，三徑黃花有佳色，寄來束帶水犀文，令
我腰圍較寬窄，烏紗高帽白苧衣，繫來穉子道相宜，入手
御爐煙氣重，知卿來自鳳皇池，我亦平生愛疎散，可恨與
卿相見晚，秋來消瘦苦耽詩，一日幾回移帶眼，湖魚白，
湖蟹肥，禾黍滿田黃雀飛，秋水野航三十里，停雲西望思
依。

集杜少陵詩句一首奉寄雲菴法師

台州地闊海溟，南極老人自有星，千崖無人萬壑靜，老
身古寺風冷，有時自發鐘磬響，芝朮琅玕日，應長昏黑。

應須到上頭安得仙人九節杖不見旻公三十年清詩句
句盡堪傳陶冶性靈存底物晴窓檢點白雲篇

題雪山房為王御史作

繡衣柱史鐵作冠平生愛種青琅玕山中歲晚讀書處積
雪滿庭生翠寒常時見竹不見雪竹雪雙清更竒絕壺冰
照徹此君心璞玉鑄成此君節平明四望岩壑間矯如群
龍下瑤壇黃陵女兒騎白鳳風裳月佩鳴珊珊恍然張樂
洞庭野倒卷銀河向天寫九重闔闔參差開八極空明不
知夜是時繡衣朝紫皇下視九點煙茫會當裁作十二
瑄坐使寒谷回春陽有竹豈不佳有雪亦自好金聲來戶
外玉氣出林表昔聞王子猷夜訪戴安道當時有此君相
見必傾倒千載回身興至今猶未了引領仰高風何由寫

懷抱卓哉歲寒姿貞白永相保

題李白觀廬山瀑布圖

我思仙人乃在南斗之下香鑪之峯手招五老白雲裏掀
顛玉立凌~~風~~不知何年鬼斧鑿破混沌竅絕頂直與銀
河通上有奔崖噴壑之飛流下有橫江飲澗之長虹白波
九道走東海流轉萬古無終窮仙人詞源亦如此天然秋
水生芙蓉開元召入黃金屋揮毫醉寫清平曲鳴鳳不棲
阿閣巢青蛭翻污連城玉金鷄放赦夜即回生死託交鸚
鵡枯人間斗酒醉不得此水可滌愁懷開酒星在山頭酒
泉在山下便當釀作蒲萄醅不費千金之裘五花馬胡為
夢落峨眉亭千年一去不復醒畫中彷彿見顏色屋梁落
月秋冥聞道騎繮入瀛海神遊汗漫知何在大鵬借我

垂天雲八極三清會相待

題王仲序墨客詩卷

王郎酒酣當墨池五雲飛落天孫機河東美人織不得仿
彿八繭吳蠶絲親王台見蓬萊殿天間白日飛龍見中官
傳旨賜吳囊王郎佩服生輝光絳州陳玄最奇絕落手麟
膠三日香梁園賦客鄒枚老愛爾尊前一傾倒揮毫為寫
錦囊歌願爾千年贊王道

剪韭亭

剪韭復剪韭山園春雨肥昨日韭葉長今朝韭葉稀但令
勿傷根日夕生華滋有客過茅屋呼兒剪春綠一箸盤餐
惟所須何待高門行白玉寄言山中人灌畦當及春人間
此味良可珍此味不減秋風蓴

友人紙帳名卧雲求題

白雲劈繭春重、仙人卧雲如卧龍天風吹下太古雪平
地幻出瓊瑤宮白雲來、還復去何如一榻留雲住蝴蝶
莊周兩不知誰能解此雲中趣小鬟折花香滿衣霓裳行
半行雲歸周公夢回日又五此樂人間今古稀梨花散漫
春雲煥一色瑤臺月華滿醉倚仙家十二樓夜寒不上珊
瑚鉤飛瓊隔花吹小鳳縞衣驚起羅浮夢谿籐剪霜翻素
濤翠禽啼煙紅日高世間萬事却邇道人生不及卧雲好

題李仕庶雪谿詩卷

五載西江想東越興來欲躡山陰雪眼明見此雪谿圖恍
若冰壺貯寒月山中之人不可招千崖萬壑皆瓊瑤長空
浩、絕飛鳥深林何處尋漁樵謫仙有孫有佳趣蓬萊移

得三珠樹稍待明年春水生借我綸竿釣魚去

題馬文學之惠安教諭

鈞鳴鐘考郎鼓司馬先生教南土泉州宛在福州南榕葉
如雲荔子甘一路春山當馬首下馬栝行椰子酒門生出
郭侯谿傍翠盤鈿合進櫛柳蠻雲瘴雨喜無恙衿佩青
趨絳帳

送黃將軍分鎮台城

渥注之駒走千里雪花凝寒吹不起將軍伏劍出洪都南
來手挽天河水天河直與東海通博桑蚪枝挂彎弓旌旗
倒射海底日金鴉夜啼華頂峯彼州之人迎我侯此州之
人不可留順風吹帆疾如馬綠水蕩漾芙蓉秋九日黃花
一尊酒手把茱萸當楊柳將軍自有穀城書勲業傳家垂
不朽

謝何徵君惠麻鞋

仙人昔上蓬萊宮十年蹋徧京塵紅仙人今歸東海曲麻
鞋但遺雙白足白足麻鞋白似霜紫苔猶帶落花香世人
不識飛鳧鳥千里煩君遠寄將昨向滄洲拾瑤草雨過沙
乾著來好此中不是若耶谿布襪何愁杜陵老知君已謝
鷓鴣班尋真來訪白雲間舊時猿鶴應相識好在南山與
北山

題李白觀泉圖

我所思兮在匡廬錦袍仙人玉不如香鑪五老半天上旭
日照耀金芙蓉仙人倒披雲錦袍浩氣直壓秋崖高人間
斗酒醉不得手挽銀河翻雪濤一朝召入金鑾殿曾與龍

顏醉中見誰知白玉點青蠅不顧昭陽忤飛燕紫皇案前
五色麟掉頭躡徧名山春若非九天寫下千尺水何以蕩
滌胷中塵千年風骨何人畫彷彿屋梁明月夜騎鱣東海
若相逢大笑長歌呼白也

題芝谿送別圖

我聞袁安之子孫何年卜隱芝谿邨渭陽舅氏不可作甥
乃伏劔登期門芝谿之水清見底中有別情千萬里鳴笳
疊鼓送行舟東流有盡情無已芝谿水有雙鯉魚芝谿水
有明月珠明珠莫彈石頭雀雙鯉須傳海上書

送張河泊還鄉

清涼遠在南海隅青鳥啣寄雲中書閉緘忍見數行字阿
母手封雙淚珠為言十載與兒別復報若翁今永決五月
兒從闕下還悵望南雲寸心折水有行舟陸有馬無復升
堂拜即罷七月秋風起布帆兒歸笑指青山下兒今無所
願、母壽且康上堂進荔子下堂食檳榔檳榔可餐荔可
擘玉立亭、兒在側更種長松當墓前慈烏結巢年復年

題岐山圖

朝望岐山雲夕望岐山雲岐山不可見但見非烟非霧青
氤氳上清真人好奇古有山不待夸娥負縮地回天頃刻
間蓬萊移得金鰲股吾聞留侯從赤松功成歸老山之中
千年復見好孫子出宰况近仙人宮仙人歌歌碧雲裏采
掇金芝餐玉髓也知吏隱亦清流兩年只飲薌谿水只今
見畫如見山安得置我靈臺間日、凭高望雲氣會待岐
陽鳴鳳還

殺虎歌贈葉將軍

朝射虎夕射虎吹鳴笳喧疊鼓去年田禾不得收牛羊不
敢放壠頭今年禾黍滿郊野猛虎無聲山月秋白髮老翁
卧茅屋教兒賣劍買黃犢到城明日謝將軍更向轅門分
虎肉

漁隱

青之蒲葉短臨平湖水滿嫋々柳絲長當門繫野航野航
穩於馬坐釣青山下魚我兩相忘無人知釣者百年天地
一漁簟流水桃花意若何得魚換酒蓬下醉自誦一曲滄
浪歌太公釣西周嚴光釣東海古來豪傑人出處洵治亂

題山居夏夜讀書圖

素月分流天松風兮奏弦澄夜氣兮冷然寓吾情兮簡編
探羲圖兮畫前游吾神兮太古之先

送馬貢士題春江送別圖

大山小山芙蓉開雲起遠從天日來東風吹散鳳城雪一
夜江水清于苔借問舟行向何處馬卿明日朝天去杏園
花滿曲江春幽谷鶯遷上林樹方今玉堂皆鉅公手把刀
尺青雲中神龍出河魚出洛千載復見明良逢馬卿此行
當努力射策庭中期第一龍門奪得錦衣歸先遣雙魚寄
消息

題春山小景圖

老夫愛畫入骨髓偶向高堂見山水不識何人識此圖恍
然坐我春雲裏大山小山青入天嵐氣暝結香鑪煙扁舟
夜泊潯陽郭似是當年孟浩然阿翁手持九節杖雙澗流

泉玉琴響天風吹帶碧桃花瑶草金芝為誰長南郭先生
吾友于招我共讀山中書石田可耕水可釣安得斯人與
同調

謝杜醫士為葉百戶贈

浣花老翁好孫子家住藍官忠義里幼讀神農黃帝書青
年賣藥居城市今夏括蒼葉守中卧病兼旬不能起更醫
至再復至三孰辨陰陽明表裏城中杜子有家學分得桑
君上池水捷如壯士當敵場百步穿楊誇一矢昔也父母
及諸弟倉皇驚怕走折趾今也怡然北堂下笑舞萊衣具
甘旨五月歸從白玉京瓊玖安能酬木李觸熱敲門求我
歌好雨洗秋涼入髓最哉杜子須努力積土為山自今始
而翁天外如有聞化鶴歸來心亦喜

題小小川山水圖奉和看山真人詩韻

平生愛畫入骨髓出門萬里皆山川周南太史古轍迹
我白頭非壯年稚川父子有家法何異萬選青銅錢每於
江海見遺墨一紙千金人共憐巨廬秀出南斗傍赤日倒
射香鑪煙金光壁采絢林壑使我一覽神超然天鷄啼
而喔、火龍蛻、而蜒、東分蓬萊五鰲股西摩太華三
峯蓮乃知意匠奪天巧聲價肯讓他人先瀛州仙子何翩
翩霧閣雲窗常晝眠直疑樽桑與若木根盤腸谷通虞淵
看山真人好事者筆勢倒翻三峡泉安期來如瓜玉井瀉
如船何當為我蛻凡骨神遊八極齊喬佺

題賀節婦卷

秦烏啼啞、少婦在邊姑在家婦從萬里拾夫骨恨身不

與夫同歿一鬼百逐良可憐形影相依今十年鏡中寧使
斷綠髮頭上安可無青天夫入九泉無復見何日登堂見
姑面妾無錦字織回文妾無胡笳寫哀怨代妾陳情范子
勲放妾還家宋將軍妾年至死何以報願夫再生姑不老

題張母徐氏貞節詩

由奉城外鴛鴦湖鴛鴦交頸依菰蒲雄歿雌存形影孤矢
死不學雙飛鳧良人贈妾明月珠嫁時繫在紅羅襦夫今
在地妾有雛賣珠日給堂上姑打門無吏夜索租挑鐙有
女寒辟纊女工紡績兒讀書妾死不慚泉下夫

題刻谿書屋

朝望青山雲夕望刻谿月我思刻谿人欲載刻谿雪笑殺
山陰王子猷一時興盡回扁舟早識山中有羊仲放船也
作東吳游羊家結屋谿南佳正是好山環碧慶門前水漲
柳花灣釣船一夜高於樹阿翁看山不下堂兩兒翩翩如
鳳凰大兒才力健射策登朝行小兒天姿高十五工文章
至今雙髻亭、削寒玉玉帶蜿蜒走崖谷讀書聲隔碧蘿
間夜、虹光照秋屋翁今歲晚晚止歸有約明年尋刻谿
野航載山不載雪繫在屋東楊柳枝

題金壽堂

世間萬物皆可變唯有黃金能百鍊龔家慈母出鄧林貞
節可比千黃金黃金善祝慈母壽黃金莫鑄慈母心孝子
愛節如愛日百年一刻千金值大書金壽揭高堂願母與
日同其長

送戴伯聚還天台

戴先生住在龍山之下迂江之涓平生讀書忘渴飢三旬
九食寒無衣口掉三寸舌不顧人是非前年別華頂來遊
東海涯今年還天台去采黃金芝秋風蕭蕭吹苧衣遙望
宮前浮雲飛豈不聞蘇季子六國印百里妾五殺皮人生
出處各有時子當還山歌我詩

美妾換馬

妾重千金軀君愛千里足共憐逸足疾如飛誰念貞姿美
如玉妾今出門去無復待華堂寸心何以報願作青絲繮

題具慶堂

陳綺席進華觴題我長歌具慶之高堂太學儒生忠孝士
矯首南雲幾千里堂上雙親八十餘堂前玉立三弟弟東
家積得金滿籩何如教子傳一經西家作官金絡馬何如
種蕙北堂下陳綺席進華觴聽我長歌具慶之高堂兒在
遠道親歸故鄉兒業日以廣親年日以長他年紫誥鸞回
紙聖德如天無遠邇請看進士歐陽詹不在親傍親亦喜

輓道士

有羽人兮在玄都白玉為佩青霞裾手掉五色金芙蓉飄
然騎雲游紫虛呼吸元氣洪濛初閱盡三洞天皇書江風
蕭蕭歲云徂寒月墮澗冰蟾依玉棺千年壑龍且嗟羽人
兮不可呼

贈道士

我思仙人乃在三神山何年誤落塵網間浪遊江海不歸
去碧桃落盡春風間春風間瑤草綠來日燕辭巢歸時鶯
出谷黃金之闕白玉城手把芙蓉朝太清安得從師入山

去醉騎鸞背吹瑤笙

贈上清道士

天上仙人碧落卿，冰弦入手風冷冷。
一彈山中別鶴操，再弄谷口樵歌聲。
是日同登玉虛閣，碧窻片片桃花落。
恍然坐我鳳麟洲，瓊珥瑤環下寥落。
師今復上蒼山顛，洗耳更聽幽澗泉。
鈞天別有太古調，此曲不許人間傳。

題桂菊雙清圖

白帝司秋運，金氣空山草木皆淒厲。
嗟爾桂樹青團團，直與佳菊凌霜寒。
貞姿孤潔同晚歲，何異幽人逸士棲岩巒。
我所思兮淮南之小山，白石鑿井金作闌。
手招八公鍊神丹，驂鸞翳鳳遊其間。
側身西望紫桑里，南山悠然當面起。
處士兮歸來，尊有酒兮甘且旨。
石磊磊兮葛藟，玄豹號林兮長鱣。
阻川折遺芳兮寄遠歌，招隱兮期長年。

來鶴亭

鶴不來雲悠々，十年無書寄揚州。
仙人五城十二樓，玉簫聲斷瓊花秋。
黃埃四塞不可以久留，安得從之上瀛洲。
鶴不來雲悠々。

東檜軒圖

悟空塔前雙檜樹，化龍已上諸天去。
犀牛扇子破多時，欲覓牛兒無覓處。
千年公案重於山，還我牛兒竟不還。
檜樹東邊結廬者，亦欲置在犀牛間。
画史安能知許事，此中真有西來意。
莫論檜東與檜西，且復還我犀牛兒。

題紅梅

東方風來吹碧雪，群妃醉蹋瑤池月。
月中有仙人，萼綠華珠

佩霓裳最清絕別來彷彿三千年綵雲夢隔蓬萊天蓬萊
宮中花鳥使幾見海水為桑田東家步障霞綃煥不惜
金買池館春歸紅葉玉簫聞月冷海棠銀燭短何如託根
王君家不學人間兒女花昨日劉郎變相贈天台有約飯
胡麻

還山吟送天台王徵君

魏、乎天台之山四萬八千丈兮聯岡疊嶂巖亘乎東南
神鰲戴山儼不動但見螺髻涌出轟轟青瑤簪三更鷄鳴
海水赤丹霞紫霧浮晴嵐上方鐘磬落天外白日花飛優
盞曇嗟哉勝境可望不可即兮金堂石室何由探神仙中
人王子喬顏如丹砂髮髭、偶從東海一相見調笑共作
烟霞談手持天孫五雲錦冰絲扇、縑吳釵飄然別我復
長往解纓去濯桃花潭天風吹散華頂雪曹娥江水青於
藍舵樓晚飯坐天上拂雲鳥翼張高帆

夢天

夜飛八翼登天門濯髮明河披素雲玉瑄雙回白鸞背珠
露冷然温秋佩泰階煌、明六符東方白榆長不枯拾得
天孫機下石何勞問卜遇成都

題竹雪山房

吾聞王內史種竹在山陰人見此君節不知此君心昔年
讀書脩竹林積雪擁門三尺深一庭夜月瓊瑤色萬壑天
風環佩音我知此君最清絕歲晚相看面如鐵正色比公
頭上冠爽氣隨公手中節青驄蹋徧江南霜請持玉節朝
紫皇裁為鳳皇十二壇坐使寒谷回春陽

題望雲圖

葉先生住在四萬八千丈之天台霞氣直接東蓬萊天鷄
三鳴海水赤春風幾度桃花開胡為家山看不足剪得匡
廬雲一幅春暉在青天寸草在黃土中有一寸心何以報
慈母閩西余氏母在堂下宜男春日長九華西折宦遊
處白玉種此雙兒節兒今長大過三十寸艸春暉報何及
豈無魯陽戈為駐西飛鳥豈無萬丈繩為輓羲和車春暉
在天艸在地母子同躋太平世更願傳家好子孫大書特
書忠孝門

神石

有石有石在空坑宋朝文相避元兵單騎脫急無留行石
墮空坑如隕星追兵不及相乃生人言此石山之塵天佑
信國全忠貞重為告曰石兮石兮爾之生也甚竒怪胡不
鍛鍊五色上補青天青鳴呼共工一觸天柱折孟姜一哭
長城崩誰謂土石終無情至今鄉人號神石奸雄遇之當
屏迹

義虎

有虎有虎在空山孝子夏貴廬其間呼天長號病不起虎
啣野鹿活孝子虎也日與孝子親相隨出入三十春孝子
起為宋大將專城總督淮西軍將軍一朝思納土虎亦咆
哮觸其怒虎死在地魂在天將軍掉尾求生全重為告曰
虎兮虎兮爾之生也甚雄偉殺身成仁有如此胡不化為
忠義士董徽之筆良可紀萬古千秋照青史

題畫

露華凝寒玉蟾泣張生手潑金壺汁神鰲戴山海水立白
龍嘘雲元氣溫臺端妙奪造化功傍人云是米南宮贈爾
波斯螺萬斛寫我匡廬看飛瀑

題恬淡軒為儲都司作

淮之水出自桐柏山千盤萬折流入江河間將軍好文兼
好武清似流泉出山下手提長劍鎮雄藩馬前奔走皆貔
虎龍驤萬斛出海洋西畧月窟東搏桑天張夜半射天狼
鯨波帖、青鏡光歸看山中恬淡水方寸澄清亦如此方
寸澄清亦如此萬歲千秋報天子

長安道

長安道上花紛、紅霧漲天飛作塵東里雕甍耀白日西
街駿馬嘶青雲長安少年不知老鳳管龍笙春亦好昨日
牡丹何處花今朝鸚鵡誰家鳥韶華過眼易消磨楊柳纖
腰愁思多不見古來歌舞地夜深風雨泣銅駝

題來鶴軒為張僉憲作

張君持節洪之都左招洪崖右麻姑仙人騏驎不可馭何
以得此當庭除雪作衣裳丹作頂曼然長鳴延素頸夜榻
時聞竹下聲午階每弄花間影九重蕩、天門開曾侍玉
皇香案來乃知君身有仙骨地位清寒霜滿臺只今籠之
往何處為言攜向英山去我亦東歸尋故邱結巢願託三
珠樹

壽友人

寄我以中山玄兔之秋穎寄君以東海麻姑之錦書仙翁
一尺蒼蚪鬚昨來海上騎鯨魚翱翔白龍宮簸弄明月珠

我欲酌以迎風含露之玉壺仙翁飄然夜回車別來可望
不可即綠水蕩漾秋芙蓉絳河彤雲流碧虛仰見南極當
天衝星宮之君曳霞裾揮手招我來斯須東方小兒學仙
術年、夢想蟠桃實擢歌聲落蕩花洲今歲玉桃偷不得
諸郎一、青瓊枝謝家兄弟田家兒門前紫荆花滿樹數
月不見長相思阿翁白頭種丹杏賣杏積穀防年飢諸郎
稱觴杏陰裏芙蓉出鼎丹光起豈不聞古來九世張公藝
我願仙翁傳百世

題禮部郎中安公山行詩卷

安使君來自蓬萊東手持絳節凌天風水晶宮中好山色
七十二弁青芙蓉樹陰暫繫青驄馬行部咨詢到山野傾
筐紫蕨小兒拳出網白魚鮮可鮓浮玉山前一葉舟黃帽
隔谿歌擢謳天上神仙思下土行當獻納鳳池頭

題天台山人山水圖

天台之山四萬八千丈我昔飛夢登其顛三更鷄鳴海水
赤白雲萬頃皆瓊田長松如龍倚絕壁飛瀑懸崖練花白
仙人邀我飯胡麻洞府高寒留不得却從天姥蹋虹霓獨
抱明河秋月歸別來此境不復到空谷夜、青猿啼丹邱
有客特束絹使我玩之神不倦林巒暝色隔煙蘿彷彿當
年夢中見故山桃花今有無劉郎何不歸仙都劉郎何不
歸仙都莫向人間尋畫圖

題二喬翫月圖

皎、天上月照見大江流江流去無已月色滿高樓喬家
二女在舒州凭高望月樓上頭金波灩、綺疏夕雲露盈

盈羅韞秋自從嫁得英雄壻不知月落誰家去千古山河
影在天江水東流年復年

題七馬圖為張將軍作

七馬來自流沙西二十有八玉鑿蹄時平四海罷征戰華
山之陽春草肥一匹齧草兩匹洗尿臨清谿中有兩匹絡
青絲奚官傍立不敢騎明當進入天門下一金鞍蓋黃
帕漢家不用千里才只許將軍看圖畫

送禰二令弟秉德還南雄迎父

買船向之南雄洞庭木落生秋風大帆中流夾雙櫓南
望庾嶺青叢禰郎去家五千里白雲日山頭起浩蕩
春暉一寸心深恩較比三湘水湘水有時盡此恩何時忘
上堂進甘旨下堂食檳榔檳榔可食魚可鱠白髮明年過
吳會長安橋邊楊柳青馬上看花同一醉

題望峽軒

巍乎紫薇之山兮雙峯並峙乎西東上干織女之銀浦
下瞰蛟人之貝宮天鷄三唱海日紅雲窓霧閣風玲瓏俞
家兄弟構華屋空翠飛落軒楹中堂上有親顏色好長年
服食金光草笑傾阿母九霞觴咬以安期玉文棗三年仲
子在成均回望天南多白雲每憑海鶴附書至遙見兩峯
如見親俞生俞生忠孝者行看赤車馳駟馬前度劉郎未
足誇重來還對紫薇花

贈太醫院使戴元禮

戴先生好神仙朝侍玉皇之香案暮游金華之洞天采藥
不上蓬萊船餐青霞鍊丹砂騎雲翱翔太清家九重日月

生光華千秋萬年樂無涯

禱雨歌贈楊鍊師

楊鍊師愛神仙乃在碧海之東偏仙人魏伯陽丹成上青天靈符玉文洞玄鍊師得之寶其傳凝神專氣合自然前年在袁州夏秋大旱不得雨山澤草木生炎煙去年海若犯河伯秋潮漲沙龜折田今年魃也肆惡如火燒平原萬口嗷不自活命如一髮千鈞懸鍊師不笑亦不言仗劍一呼龍出淵手挽天河注長川雷公電母相後先已巳及辛未一歲禱一雨遂令老穉飽飯歌豐年楊鍊師通神明長身玉立方瞳青公田及私秋有成功不自愛歸冥靈風吹旗海氣鯨醉騎黃鶴吹瑤笙請以海門山前龍眼千尺浪和我一曲空歌聲

代王奉祠贈別友人之京

春風吹江春雪晴茶官放船明日行奉祠過我索長句把酒出餞鍾陵城沈郎有母華亭住三載思家不歸去側身東望白雲飛長繞九龍峯頂樹今年報政上京華還種北堂蘆艸花不學江州白司馬直將哀怨寄琵琶媿我梁園老賓客與爾從來未相識稍待金芽入貢餘紗帽龍頭共煎喫

送知縣陳仲信之建昌

朝游甘棠堤夕游甘棠堤上夜來兩秋風聞馬嘶借問向何處駕言南康去香鑪生紫煙五老欠延佇山中瀑布水散為九江流江流二千里還歸東海頭海中有鯉魚好寄平安字手把釣鰲竿時時候書至

鐵箭辯

鳳皇山下通江門，鐵箭今尚存。世傳當時有三箭，兩箭沈沙俱不見。唯留一箭在江頭，此箭不隨江水流。壯士摩挲撼其鏃，根株下貫金鰲足。出地曾無一尺高，定知作則捍波濤。始豐先生真好辯，直指是幢非是箭。兩淋日炙四百年，派星煌煌長在天。

題東山清隱園

南山莫采菊，北山莫移文。西山食薇終不飽，聽我且歌東山之白雲。白雲宛在山之下，卜得陂坑葬卽罷。三年返哺學慈烏，千里按圖求駿馬。關山漫漫霜露多，谷口秋風吹女蘿。側身南望不歸去，白髮倚門愁奈何。東山之圖不盈尺，時見在頭白雲白。山有荔子江有魚，兒在天涯重相憶。只今冠佩登鷓行，誰種忘憂當此當。安得仙人縮地訣，日日稱觴慈母傍。

寒食行

江南三日梨花雨，寒食鄰家哭兒女。阿爺戰死長兄存，二十年來別鄉土。存無信息死無歸，胡蝶春風淚滿衣。紙錢空挂枯楊樹，存者不知埋骨處。一百五十年，來天外遊魂何不回。北邙山頭生白雲，北邙山下多古墳。借問誰家埋白骨，此中半是洛陽人。陌頭夜半銅駝哭塚上，蕭蕭悲宰木。貧家無地葬遺骸，忍見烏鳶啄人肉。白日短，雲無根。翁仲百年當墓門，花落春風一杯酒。幾家寒食見兒孫。

送邱朝宗還黃岩

百年三萬六千日，先生行年今半百。文章自守一瓊青，勳

業頻看二毛白我持我酒為君歌四十九年東遊被只今
富貴須自致錦衣行畫毋蹉跎我生亦是東方朔往々尊
前恣懽諳得錢痛飲即忘形抵掌論交宛如昨呼兒手折
薔薇花山餅漱灑送流霞處士星當霄漢上異鄉吾土挹
光華

題雪崔圖

老竹生棘間凍禽來上棲山空雪深相因依相因依歲將
暮朝陽別有鳳凰雛長在高岡碧梧樹

題三桂堂

吾聞戴家三兒廟如鴈行家有三桂之高堂中八月
風露涼三兒讀書三桂傍黃金月中樹白玉天上郎人言
教子有義方東家牡丹好池館何如三桂歲々凌秋霜

題琴軒

山高氷深々中有太古之微音姚君手抱綠綺琴揮我
彈徹天地心弦中一曲南風調千載無人識其妙水深々
山高々此樂只許柴桑陶

題古木圖

蕭々疎々木葉下歷々落々霜樹高丹崖寒深老石裂山
風吹月清猿號當年画史筆最好寫得乾坤秋氣老圖中
轉手奪天工始信黃金未為寶

題冰谿送別

冰為谿玉為山芙蓉幕府山水間夫君三載主畫諾云是
能詩謝康樂雅懷英々玉在璞清姿皎々氷出壑玉以比
君德氷以清我心笑呼麻姑酒載歌長短吟春雷送雨章

國家圖書館 NATIONAL CENTRAL LIBRARY, TAIWAN, R.O.C.

江潯一夜水高三尺深君今報政朝天闕十幅蒲帆挂明月冰谿迢迢東入浙白頭病起難為別因風寄謝鮑參軍冰玉相期保明哲

題李將軍九虎圖

李將軍家有先世所藏之畫圖：中大小九於菟一豹馴狎與之俱丹崖翠谷行散隘朝遊長林夕負嵎馮婦見之應下車將軍佩以黃金符爪牙捍禦洪崖都願為麒麟與騶虞此圖傳家真不虛

贈人入浙

老夫暮倚襟江樓青山西來當屋頭白雲洗空涼雨過明月不隨銀漢流槐里弟兄交有道季方更比元方好敲門蹋月夜相遇玉樹清風滿懷抱笑呼麻姑青玉漿仰天邀月：在觴須臾各飲數十月：復挂在天中央伯也尊前重告別明日放舟東入浙我身願為帆上雲我心願作楫中月雲隨帆去不相離月落楫中時見之西舫西湖載歌舞荷花楊柳總相思老我不歸今四夏近聞湖上多清暇竹雪能臨內史書武唐解寫王維畫故人東老最工詩興繞南枝與北枝若見諸賢煩問訊梁園詞客待多時

次凱南清見寄詩韻

白雲出山無定姿白雲還山無定期乾坤清氣不常用海內復見湯休詩昨夜大江深幾許彈舌沙中作龍語碧桃紅杏滿湖開彷彿雲間散花女上人正自曹谿歸星斗錯落環璿璣揮毫爛寫懷素艸虜歷應手蛟龍飛我今已遂三生夢石上因緣何足論明當載汲洪崖泉煮茶談空共

棲遯

奉張公子歌

戚里張公子古貌又古心面若一尺玉心如百鍊金碧樹
陰、繞茅屋不惜黃金買書讀有時夢到羲皇前河洛圖
書看不足白晝呼童掃落花高間真似野人家堂上靈椿
八千歲綵服裁為五色霞白頭解后洪都市令我見之心
即喜令人容貌古人心一曲長歌吾老矣

余辭老還家作中秋見月歌一章留別張公子

我行鍾陵道五見中秋月明月流中天既圓還復缺月圓
月缺可奈何今年照見病維摩舉頭見月發大笑白髮較
比來時多來時黑髮今盡白玉兔有丹醫不得百年三萬
六千朝願照年、好顏色張公子留候孫臨風共爾傾一
尊今古乾坤有清氣此趣勿與他人論明當載月東吳去
挂在海門山頂樹唯有相思一寸心夜、莫忘看月處

題時習齋

天行九十有萬里日月循環若流水人之為學亦猶爾夜
以繼日恒不已譬諸行遠必自邇跬步千里自茲始為以
九仞一簣止半途而廢良可恥文江有士復質氏人言是
父生是子古來聖賢疾沒齒我其銘之吁老矣

欽定

斗南老人集卷五

明胡奎撰

○七言絕句

○○簡員外云云

百文

斗南老人集

卷五

自今古詩中... 斗南先生詩集卷五

斗南先生詩集卷五

寧國文英館編

七言絕句

簡員外張士諤

畫省題詩白晝閒春寒繫馬百花間船頭載得官餅酒來
看江南雪後山

題揚州翫月圖

好月多情不待招滿江風露夜迢迢分明記得揚州見只
欠瓊花與鳳簫

蔡河聞雁

白雁南來第一聲蔡州城畔最多情閨中此夜應聞得不

斗南先生

中華民國 976 年 5 月 5 日
中央研究院
國家圖書館

道郎行到汴京

題鈎勒竹

誰寫南唐金錯刀
秋風葉、動林皋
湘靈昨夜雲中過
吹落丹山白鳳毛

題雙螭圖

公子無腸玉作膏
畢生偏稱左持螯
畫中偶見十六跪
正及黃花秋興高

題紅梅

葛洪井畔是仙家
鍊得夫容伏火砂
玉骨年來都脫盡
不須更服海東霞

題釣魚圖

萬里清波一鏡開
白鷗分占石磯苔
客星只在桐江上
若箇閒人釣得來

題桃花流水圖為劉山人作

一片飛花水上頭
九盤十折澗中流
胡麻飯熟千年後
卻笑詩人也姓劉

輓員外張士諤

二仙房裏張員外
頭白相逢只論詩
今日過門君不見
小樓春雨燕歸遲
西子湖頭碧草春
天留山水葬詩人
老逋泉下應相見
為說梅花寫得真

題雪峰

湘妃廟前江水深
鷓鴣夜啼斑竹林
峰頭積雪高千丈
不隔思家一寸心

郎家住 在雪峰前 湘水湘雲若箇邊 一片布帆儂會使 浪
平風靜早回船

避暑圖

五月夫容水殿涼 紅綃新製舞衣裳 裳班姬不用題 紈扇
咫尺階前玉樹霜

題雞冠

昂然絳幘倚東闌 絕勝丹山五色翰 想得飛鳴天上去 玉
皇分賜紫霞冠

閏三月清明

今年又改清明火 此地重看一月花 多費酒錢三十日 儘
留春色在詩家

題高士聽琴圖

一彈太古無弦調 只有柴桑處士知 回首蒼梧叫虞舜 南
風何日到朱絲

東園晚興

雨晴階下看宜男 自汲清泉漱晚酣 隊隊雲收天一半 纖
纖月在屋西南

題武夷圖

武夷何處覓先蹤 一一林巒紫翠重 世紀虬魚真可笑 最
高應是大王峯

題黃鶴山人畫竹

黃鶴仙人去不返 可恨此君相見晚 高堂六月生秋風 見
畫令人意蕭散

漁舟夜月

水底清天洗玉盤一蓑風露夜生寒鷗波不動明如鏡此處停舟最好看

聞樵笛

看罷仙人一局棋自將短笛晚來吹白雲遮斷無尋處正是東山月上時

題繫馬圖

日暮黃塵淹馬足誰能占得午陰涼天閑芻豆無多戀好解青絲八尺繩

題蕨

一拳打得地皮穿握住東風不放拳直待杜鵑啼血後展開鳳毛始朝天

題銀杏雙鳩圖

鴨腳葉青銀杏肥雙鳩和夢立多時日長庭院無人到呼雨呼晴總不知

題枇杷山鵲圖

翠衿丹嘴雪為衣立在盧家雨後枝不是少年金彈子一雙來往莫相疑

題梅花白頭公圖

誰寫羅浮夢裡雲飛來山鳥意相親傍人莫笑頭如雪占得江南第一春

題桃花山鳥圖

楚山禽好雨衣小桃枝上立多時樹頭底無金彈且向東風自在啼

夏日偶成

雲氣晚從簾外過，雨聲涼傍竹邊來。漁波小，簟清如水北，牖南窓面之開。

題紅梨花

玉容寂寞倚東闌，偷得瑤池換骨丹。昨夜酒酣銀燭短，絳綃和月護春寒。

題紅梅為樞上人

散花天女玉娟娟，飛落維摩丈室前。可是嫣然通一笑，自緣醉裡學逃禪。

題雲山圖

雨洗千峰括樹青，飛泉落澗晚泠泠。仙家只在雲深處，長伴天邊處士星。

若說揚州吳分野，好山只數越中多。括蒼洞口分明見，染出波斯萬斛羸。

秋夜

高柳疎疎集晚雅，柴門渾似野人家。月明露重空階靜，時見夫容落一花。

過陸龜蒙書院

太湖水落秋冥々，七十二峯相送迎。扁舟遠訪天隨子，日落荒祠楓葉青。

題太真教鸚鵡念心經

春寒那酒睡初醒，笑倚東窓小玉屏。早悟眼前空是色，錯教鸚鵡念心經。

題白鷗圖

我家白鷗白如雪，朝步落花心自閒。價重連城雙白璧，當

時籠寄謫仙還

促織

月下如拋白玉梭千絲萬縷奈愁何佳人夜半停機杼九
曲回腸頭緒多

題呂仙摘耳圖

蓬萊清淺又生塵消息傳來總不真料得耳中無一物先
生真是避喧人

題紅梅為紫微山人作

玉顏老去怕風沙學得仙人服片霞丹井西頭曾一見縞
衣都染葛洪砂

題墨梅

一夜春寒雪作花綠毛么鳳隔窓紗朝來喚醒詩人夢揀
墨留題瘦影斜

玉堂仙人冰雪姿幾度月明勞夢思函中相見好顏色只
有鐵心如舊時

疎花倒影淨無塵占得江南第一春玉骨近來何太瘦應
知飯顆是前身

謝杏林送酒

山餅春日送流霞不用青錢付酒家草閣暮寒成獨酌醉
邀明月上梨花

題漁舟圖

山下漁舟逐浪開江平風靜好歸來吳中儘有銀絲鱸莫
過瞿唐灩澦堆

題竹

昨夜美人驂彩鸞玉笙吹徹露華寒定應研却月中桂特
地植此青琅玕

題天台李氏竹石圖

秋風昨夜起林皋拾得丹山翠鳳毛擬向仙人吹玉琯九
天環珮碧雲高
天台四萬八千丈中有琅玕石上生禹穴南來尋李白丹
霞翠雨滿秋城

題竹石圖

蓬萊石上珊瑚樹精衛啣將出海濤昨夜秋風動涼影葉
葉南唐金錯刀

題紅梅

西子湖頭快雪消當時曾見董嬌嬈只今西裏渾相似猶
記春風第一橋

題馬圖

五花雲散玉連錢記得回朝下九天不用蓋鞍黃帕子絳
袍人立御門前
金河春水濯龍媒應是天門立仗回五朶花寒雲氣濕紫
衣太僕自騎來

題玉花驄畫

誰寫開元玉雪驄黃門待駕立春風南薰殿上承恩日只
說將軍畫最工

題鞞山

一鉤涼影度行雲彷彿湖波隔翠幕弓樣任教江月妒足
音那許世人聞

小姑曾此脫金蓮
蹴蹋風波不計年
夜半星辰都在水
直疑平步上青天
隻履何年蹋巨鰲
生來渾不怕風濤
問渠那得根株穩
只為從前著脚牢

秋江濯足圖

兩餘秋水漲滄浪
孺子能來就晚涼
寄語東華塵土客
馬歸終日為誰忙

江上避暑圖

梅花道人厭煩熱
自寫竹林河朔圖
恰似峰頭玉井水
晚涼貯在清冰壺

秋思

金井烏啼一葉秋
半規纖月挂銀鈎
不知天下雙星會
今夜穿針嬾下樓

出江

楊子江頭春霧消
南風吹上午時潮
白頭思家正無賴
隔水桃花人面嬌

黃帽阿郎歌棹謳
手牽百丈上山頭
上山艱難下山易
送得幾多名利舟

見新月思家有作

初三初四月如鈎
照見江水向東流
家人今夜應望月
不知郎在大江頭

初三初四月鈎彎
郎在船頭望遠山
月似蛾眉山似黛
如何不念鏡中鬟

懷李白

我憶開元李謫仙，蛾眉亭倚大江邊。當時苦被蛾眉妒，今日蛾眉更可憐。

清明日憶鄉中諸友

今朝又改清明火，一簇人家處。煙寄語故園桃李樹，有花載酒是何年。

謝友人遠惠鮮鱗并泉石酒

江心鮮鱗出銀濤，箇箇長於金錯刀。未書山陰裹鮓帖，先寄采石珍珠膠。

遇小姑

雨後停舟望小姑，翠鬟和影落晴湖。南風吹作青銅鏡，倒浸中天月半梳。

江上漫興

江上鯉魚吹白波，舟人打棹唱吳歌。斜風細雨家千里，輸與玄真一釣蓑。

小桃花落兩鬢，桑葉青。試浴蠶好水，好山魚米賤。人生只合老江南。

大姑廟

大姑廟前江樹青，老魚吹浪水雲腥。神鴉啄食不飛去，過客賽神姑有靈。

彭郎磯

彭郎磯頭湖水平，天寒月黑雁祇更白。頭不作還家夢，臥聽風聲與水聲。

答鐵柱觀道友

五色雲霞剪作衣，長年養得鶴雛肥。伐毛洗髓三千歲，相

逐蓬萊頂上飛

南風冷々吹我衣
寫經換得白鷺肥
山陰道士休相笑
來看蛟龍作雨飛

中散養生塵滿衣
肥搔正想醴泉肥
不見麻姑玉指爪
漫勞青鳥入雲飛

墨池新水長苔衣
雨後來禽顆々肥
午榻茶煙應有約
鬢絲風颺落花飛

落星石

曾聞博望泛靈槎
直到河東織女家
載得支機一片石
至今遺迹在江沙

題清碧軒為臨川黃生作

濯清魯聞韓吏部
棲碧長懷李謫仙
欲識黃生清碧處
汪

汪萬頃到臨川

題澄碧軒

澄碧軒中好賦詩
天心水面少人知
試看風月雙清處
正在波瀾未動時

憑虛百尺俯清漣
淘盡泥沙始見泉
一片湛然秋水鏡
無人知有鏡中天

江湖襟帶自天開
日夜風濤滾々來
看來水天同一色
料應無處着纖埃

題幻菴禪師鏡室

大圓鏡智本來空
不比尋常有鍊銅
鏡有壞時空不壞
月輪長在太虛中

題扇賀胡鍊師生朝

南斗星邊望太霞
蓬萊咫尺是仙家
昌黎不識韓湘子
辜負尊前頌刻花
三素雲中禮玉虛
琅風吹動紫霞裾
月明自蘸秋河露
寫得天真一丈書

日出扶桑

樽桑若水是誰栽
金柱紅盆出海來
恰似寶陀山頂見
天雞題上妙高臺

題紅梅為嵩上人作

玉骨生來不怕寒
多應鍊就葛洪丹
散花天女朝酣酒
只許維摩帳底看

題畫

一谿月色梨花白
醉卧船窓夢未醒
記得洞庭湖上過
夜涼吹笛喚龍聽

西塞山前一釣絲
此惟情唯有白鷗知
黃塵不上磯邊石
坐到風恬浪靜時

白龍潭上雨初過
鴨嘴灘前秋水多
安得仙人綠玉杖
月明來和紫芝歌

一重一崦小亭臺
雨洗山容翠不開
燕寢晝長鈴閣靜
青天飛下白雲來

築得茅堂遠世紛
北山無及更移文
一株松下茶烟起
直過前山化白雲

題閻仲彬畫

餘不谿上閻公子
愛寫茅亭碧樹間
一雨洗秋青不斷
傍人說是道場仙

題山水扇面

雨洗嵩丘翠不乾，遠分秋色画中看。也知東閣詩人意，只寫長松伴歲寒。

雨過嵩陽玉女峰，峰頭雲氣總隨龍。至今一片青天月，挂在西谿石上松。

一色夫容天上開，何人鑿翠結樓臺。輞川春色渾相似，寫入王維画裏來。

見螢火

東園雨過見流螢，飛去還來不暫停。著樹偶沾垂葉露，上天渾學照泥星。

題泐明像

彭澤之官八十日，飄然即賦歸來辭。人生出處各有道，鄉

里小兒那得知。

題谿山圖

昨夜蒼谿春雨晴，山從天目到臨平。故人只在雲西住，綠樹當窓定長成。

杉風吹髮芡衣涼，琴許家童手自將。黃帽棹郎頻指點，好山多在藕花鄉。

題漁樵問答圖

郎住清江儂在山，風江月意俱閒閒。相逢莫話塵中事，恐有秦人到此間。

題山居圖

丁寧童子掃苔花，有客看山定到家。昨夜谿頭春水長，酒船來繫白漚沙。

白石橋邊一徑斜，碧雲深處是仙家。兩晴知有詩人到，先遣山童掃落花。

松風冷、石齒、坐看南山白雲起。高人有約，抱琴來一曲。樵歌月明裏。

數日不歸青林間，積雨滿花。陞苔花間斑。知音莫道無尋處，不在前山，即後山。

鑿翠牽蘿結小亭，丹泉落澗作琴聲。晚涼騎馬谿南去，更看前山幾朵青。

萬方賢俊頌清河，底事山翁隱薜蘿。定有鶴書來過壠，從今莫唱紫芝歌。

題趙太祖蹴鞠圖

一氣洪濛運化鈞，乾旋坤轉不停輪。等閒蹴起東方日，却是當年大耳人。

題綠陰垂釣圖

白鷗分席坐青苔，一片涼陰掃不開。莫道清漳音信遠，鯉魚時上釣絲來。

題攜琴圖

松花落粉春晝閒，童子抱琴朝出山。明朝有意更相訪，莫遣白雲深掩關。

題釣魚圖

三山空翠壓金鰲，釣得珊瑚出海濤。定有雙魚傳尺素，磯頭春水夜來高。

枯木竹石圖

蓬萊石上珊瑚樹，更向琅玕一處栽。不是任公釣鰲手，如

何移得世間來

題畫

白石磯頭春水生
南山空翠太分明
石南樹下無人到
坐看漁翁釣晚晴

○雲陽十景

○川江秋月

江如川字月如盤
曾向龍門絕頂看
三載思家東海上
二

千里外亦團圓

○三峽暮雲

西峽夕陽東峽紅
白雲生峽正當中
莫道無心作霖雨
等閒飛起便從龍

○龍門夜雨

兩崖千仞自天開
聞道當年手鑿來
黑水翻江龍出峽
驚

濤夜作春雷

○雞嶂曉煙

陽谷金雞天上啼
日高青嶂樹煙低
從高教截得山前路
一寸鄉心定不迷

○青山瀑布

銀漢翻空作雪飛
近山渾欲換秋衣
月鉤斜挂真珠箔
不礙仙人跨鶴歸

○紫陽甘泉

靈泉百尺接龍潭
一日能酸一日甘
笑我交情淡如水
從今不必論酸鹹

○烏石砂圖

烏石岡頭沙似雪古來名勝說
寧都兩晴鳥迹分明見
畫史驚看十縣圖

○○○羅岩曲水

瀟谿祠在碧岩前下有流觴九曲泉
前代風流遺墨在山陰
空費打碑錢

○○○胡僧竹

西域僧來雙眼碧履聲敲碎玉娟
觸機悟得無生法始信
虛心即是禪

○○○梁山古檜

斗岩老檜自梁朝上有飛仙不可招
擬借玉笙吹一曲滿天涼
月送王喬

○○○楊子江中有作

江風吹浪葛衣單遙認金蕉兩點山
落日片帆歸鳥疾直隨秋色到龍灣

喜何使君至雨中有作

去年正月出京華馬上看燈直到家
今歲歸時春未半滿城風雨又催花

江城春雨釀餘寒一尺青魚泥尚未乾
無限故園桃李樹好花留待使君看

襄陽童兒歌

高陽池水綠如苔日、襄陽太守來
倒著接羅扶上馬日斜乘醉看花回

湘妃泣竹

湘竹斑斑楚水流湘娥夜泣楚雲秋
直教積淚成江水一

滴春痕一滴愁

二喬觀書

自小看書在繡幃天生國色世應稀
曾知醜婦無才貌也
向南陽嫁布衣

嫦娥奔月

豈是人間不可居飛身自跨玉蟾蜍
祇緣天上無離別織
女牽牛莫笑渠

巫女行雲

楚雲如夢夢如雲夢相牽兩不分
妾若是雲君是夢雲
當為妾夢為君

楊妃病齒

侍兒扶起倦看花不道春寒入齒牙
懶隨縱能醫病頰蟲

根先長在唐家

西施捧心

妾住西家本姓施施越王嘗膽已多時
至今獨抱心中苦
長向春宮鎖翠眉

虞姬伏劍

當時玉斗碎鴻門碧血空沾楚劍痕
滿地落花皆漢土不
知何處著春魂

文君當壚

苦樂相從不厭貧白頭甘守篋頭春
茂陵原上多姝子未
必新人勝故人

昭君出塞

玉顏一別漢宮花雁背霜寒萬里沙
說與當時邊上將鏡

歌只合奏琵琶

綠珠墜樓

花飛金谷綠雲空
玉笛吹殘步障風
枉費明珠三百斛
荆釵那及嫁梁鴻

題画扇

一月春陰不見山
何人移入素紈間
積金峰在空青外
千仞高寒不可攀

送孫府判之重慶

五月開船得順風
巴城江一水與天通
此行應有還家夢
不隔巫山十二峯
一道巴江萬里開
暮帆收雨過陽臺
蜀中父老忻相報
前度皇華使者來

出都門有作

青龍山前日欲斜
一兩水長沒鷗沙
青裙老嫗索錢去
遮口喚船來載車

丹陽郭外

茜裙女兒青髻鬟
腰鐮刈麥夕陽間
前溪水淺早歸去
墨雲將雨過前山

題兩翁對奕圖

綠蘿陰覆丹壑玉局仙
翁自為樂山中對奕不知年
世上塵纓安可縛

題梅

曾過羅浮月下邨
綠毛公鳳立黃昏如何也
作三生夢飛
繞梨花一片雲

題紅梅

散花天女笑春風醉倚維摩丈室中任爾山禽偷眼看久
知顏色本來空
祇王園裏有頻迦偶逐春風到我家本是一株無影樹也
隨明月作空花
夜來天女散天花笑倚春風貌似霞山鳥不須偷眼看應
無一片著袈裟

題白梅

誰寫江南雪後枝疎花冷蕊玉參差頻伽也管西來意啼
到青天月上時
雪壓南枝凍未消山禽和夢立寒梢分明一片黃昏月留
向禪牀伴寂寥

題子猷訪戴圖

未出門時想戴逵扁舟興盡復何之如何不學袁安臥大
雪干人也不宜

題蘭亭流觴四絕為鄭大尹賦

開元供奉侍鑿坡妙墨流傳辨永和定武化身千百億只
今刻石已無多
永興寺裏蘭亭帖千古高風不可攀却笑昭陵藏不得又
隨金盃出人間
前朝畫史李龍眠想像流觴曲水邊四十二人同列坐茂
林脩竹尚依然
鄭公好畫比瓊瑤收南得山陰禊事圖不向昆明隨劫火
却從合浦得還珠

題雲山圖

半是秋陰半是晴
數峯雲樹不分明
恍然巫峽舟中見
只欠猿啼一兩聲

雪晴寄友

快雪晴時竹色勻
江甌南又見一番春
出門苦歎青泥滑
十日無由見故人

除夕過北寺

歲晚行過北寺前
枇杷花落雨晴天
長齋繡佛從今始
僧臘明朝又一年
歲朝萬象最宜春
帖子題來醉墨新
今夜枇杷花畔雨
又添情思到詩人

人日

自笑百年渾是醉
不知今日始逢人
朝來淨洗醒時眼
一從頭看好春

臨安勝覽

臨安老父鬢如絲
解說錢王納土時
吳越江山留勝概
只今惟有表忠碑

錢王射潮、倒流尚遺鐵箭在江頭
人言此箭不可拔
永鎮東南第一州

六飛南渡大江來
五月荷花水殿開
白塔已荒前代寺
紫雲猶繞拜郊臺

葛嶺蒼蒼、橫暮雲
旁人指點岳王墳
看取墳前向東樹也
知生死不忘君

月殿雲窓倚碧霄
江聲雷動海鮮橋
如何虜騎屯營處
三

日錢唐不見潮

南山北山雲氣浮東澗西澗水交流靈鷲飛來天竺夜白
猿老洞門秋

風篁嶺前煙翠深水樂洞中韶濩音分明一曲無弦調洗
盡人間萬古心

鳳皇池中十萬家鶯聲燕語度年華笙歌夜月家々酒羅
綺春風處々花

紅泥亭子赤闌橋二八女兒眉黛嬌手折荷花蓋頭去瓜
皮船不怕風潮

八月十八看潮生中有吳兒蹋浪行青蓋紅旗誇涉險泰
山一擲羽毛輕

黃霧漲天紅日高千門萬戶競錐刀當鑪少婦勸郎酒自
按琵琶金鳳槽

元唱白酬詩興豪吳山更比越山高無端月落潮平夜相
送玲瓏別意勞

湖上采蓮誰氏女南風吹起櫂歌聲勸郎莫向外湖去外
湖水濁裏湖清

小雨疎々不作泥流鶯殺滿綠楊隄少年莫打黃金彈留
取慈烏在上啼

蘇小門前油壁車玉泉池上金鯉魚車能載酒魚可鱸人
生不樂將何如

坡翁通守臨安後又復能來綰郡符一段風流付晴雨直
將西子比西湖

最憶孤山處士家水邊林下見橫斜天寒萬木俱搖落鐵

石心腸是此花

清暉軒

卷畫谿頭秋水肥倚闌日、看清暉蕩花菱葉當窓見鷄
鴟鴞鴛鴦作隊飛

輓僧

鹽官國師古道場犀扇無人再舉揚留得舊時公案在只
今拈起話頭長

犀牛扇子久塵埃扇破牛兒不見來憑仗禪林玉麈尾宗
風重振兩華臺

○次復東先生紀行之什

○○○淳化

金城百雉護重關歷盡千山與萬山見說沈郎天上去一
車行李賜金還

○○○陳墳

前朝孤塚已多年望帝何心託杜鵑石馬長嘶風雨夜松
花如雪滿山田

○○○句容

落照明邊紫翠重停車松下坐從容何由借得瀛洲鶴飛
上茅君大小峰

○○○土橋

四月風生白苧衣河豚吹浪荻芽肥白鷗自信閒於我來
往都忘海上機

○○○白土

葦門圭竇倚斜陽榆柳陰、過屋長下馬試嘗新壓酒棟

花風落葑衣涼

丁莊

歸心有底太匆忙此地應非五柳莊野館抱衾謀一宿水
流花謝月蒼

徐邨

此是徐家第幾邨千年老樹有盤根輪囷不入公輸手櫂
散長蒙造化恩

練塘

山前流水護方塘山下孤邨落日黃隊；奚官來洗馬如
雲苜蓿滿沙場

散関

山花爛熳鳥間関白首不知行路艱道上兒童頻指點先
生天上載書還

丹陽

丹陽郭裏夜聞簫無限離情付柳條却憶故人千里外山
青月白思遙

奔牛

呂城春水與天連黃帽操舟百丈牽一片征帆如鳥疾歸
心更比鳥爭先

洛社

花滿長堤水滿河一帆風雨夜深過歸心不省春先去洛
社亭臺碧樹多

蘇州

船過閭門得順風此身如坐太虛中晚涼移向楓橋泊人

在西頭月在東

○○○吳江

七十二峯青可憐
白鷗飛處水如天
旁人錯認玄真子
萬頃煙波一釣船

太湖

吳中女兒學畫眉
日高打槳放船遲
笑將湖水作明鏡
回首問郎宜不宜

平望

江上鱸魚三尺長
漁翁撒網立斜陽
到城買得真珠酒
笑倚篷窗待月光

王涇

柳花谿上木蘭船
只許閒鷗伴我眠
乘月到家無百里
此時那有別情牽

秀州

繞城官柳碧於雲
湖上人家兩處分
一曲吳歛歌子夜
滿船涼月白紛紛

○○○常州

昆陵春去欲銷魂
紅葉池臺幾處存
買得一雙金剪子
夢隨胡蝶到家園

○○○煮茶圖

落花風颺煮茶煙
水榭高閒即是仙
想見杭州蘇太守
賦成龍井試春泉

題一天秋月詩卷為侯少府作

玉堂學士老東坡
載酒西湖逸興多
寄語文章侯少府
一

天秋月夜如何

一天秋月夜方中時有南來水面風總是乾坤清意味盡
情付與覺非翁

一天月照鳳皇城鐘鼓遲報五更候吏不來公館靜此
時看得最分明

一天秋月湛冰壺千里家山入畫圖若向涌金門外看西
湖即是大明湖

一天明月照清秋風露涼生紫綺裘若遣玲瓏歌一曲千
年重見白杭州

見新燕有感

東家昨日杏花開西舍今朝燕子來載酒莫辭花下醉春
風能得幾時回

立春

今朝試寫宜春帖拾得江南第一花秋水為神玉為骨正
疑春色在詩家

柳塘野艇

楊柳青青水一灣隔江數點雨餘山釣船好向谿南泊莫
待風波及早還

和靖觀梅

水痕清淺雪初消望過湖邊第一橋處士不來花自發空
山鶴去晚蕭蕭

次詠軒雨夕見寄

城頭月黑烏棲夜童子敲門忽送詩醉眼近燈看數過上
林吟到雨來時

次揚州鐵笛漫興韻

紅泥亭子是誰家白石磯頭人浣紗好事提壺勸美酒一
聲飛上合懽花

湖上雨乾花片輕鐵龍新翻曲譜成西施鄭旦船尾臥狂
殺江南阮步兵

南山北山眉黛青日：載酒望湖亭買得湖船十樣錦醉
倒羨人雙玉餅

勸郎杯酒莫放輒與郎裁衣禦春寒明日郎須過湖飲花
旗子：樹長竿

和小遊仙

白榆歷：絳河東清露無聲墮碧空手把玉笙吹一曲月

臨南斗正當中

曾見天書赤玉文非煙非霧結氤氳君羣仙不著飛霞佩

自製霓裳月色裙

櫻桃窓下夢青春胡蝶翻：是幻身山鳥一聲驚夢覺始
知身是夢中人

聽雪

虛室寒生一片雲不知窓外白紛紛：陽春別有無弦調只
許詩人靜處聞

夢雪

夢跨仙家白玉轡鸞瑤臺高處太清寒不并知誰把并州
剪得銀河一水乾

看雪

去年臘前不見雪今年子月見飛花憑誰說向林和靖莫

把梅花擅作家

過戚姬港作

戚姬山下卞家莊花滿林
泉水滿塘昨日雞豚賽春社
丁男祈麥女祈桑

桑葉重三戴勝飛墮頭斜日荷鋤歸柴門不見催租吏
隔屋長聞織婦機

題挾彈圖

大堤春草碧茸茸
馬上人彎落月弓
寄語莫拋金彈子
任渠鶯囀百花風

宿淨上人房

八字橋邊一徑斜
尋詩來到楚王家
平明起看門前雪
一色都開蒼葛花

題朗上人聽松軒

一片潮音落大空
禪餘多在月明中
等閒聽到無聲處
不是長松不是風

題慶上人住雲棲

應無所住三雲中雲也何曾有定蹤
夜半月明天似水
無一點礙虛空

題柯丹丘竹

奎章閣下柯亭管
學得雲間綵鳳鳴
還逐軒皇上天去
夜涼吹過闔廬城

題賀公畫

百頃荷花一葉舟
賀家湖上汎家高
秋南風吹散朝來雨
移得青山近屋頭

題閭門楊柳

閭門楊柳鬱金條，恰似章臺舞女腰。
舞到秋來人不見，淡煙踈雨晚蕭蕭。

望雨

一月不雨農心憂，兩月不雨田無秋。
仰看北斗酌元氣，安得倒輓天河流。

大田槁苗一尺長，河水乾枯木葉黃。
似聞昨夜月離畢，明日甘霖來沛滂。

立秋

六月望後見秋風，金井先飄一葉桐。
便覺人間有涼意，三更月在絳河東。

客中除夕

守歲天華涯，感物華朝盤。誰復頌荼花，滿城列炬明。
如晝鐘鼓聲，中夜不諱。

題蘆雁飛鳴宿食圖

草草書空不作行，相呼相喚過衡陽。
蘆花月冷應無夢，啄盡寒沙一夜霜。

路聞鷓鴣

苦竹岡頭一兩聲，鉤輈格磔為誰鳴。
縱行不得須行去，莫道離人不耐聽。

春日書情

雨晴山徑淨無苔，猶有閒人作伴來。
滿抱離情濃似酒，春風吹上小桃腮。

鷓鴣啼處雨初收，貪看青山不下樓。
縱使山高千萬丈，也

應不隔異鄉愁

詩瘦非閑病折磨野棠花落奈愁何沅陵江水深如海不似徐卿別思多

思家千里日如年借得禪房靜處眠靈鵲誰有聲催夢醒敲門人送買船錢

宿澧陵山却

蠶叢山下澧陵却猶有先農古意存千里閒愁添白髮一

鐙瘦影伴黃昏

當窓月出猿啼樹刮地風來虎到門賴得主翁多好事地鑪燒竹晚移尊

沅水羅紋色正妍今朝風順好開船權郎莫說風波險已許江神賽紙錢

渡江

日出江頭春雪消雙鬟蕩漾木蘭橈歌聲唱入武陵去人面桃花一樣嬌

桃源即事

桃花源上看青春少婦與郎行負薪榭葉覆身花壓鬢相逢不是避秦人

楊花

有意紛紛輓落暉無情袞袞傍人飛莫教化作浮萍草流向天涯忘却歸

過鞞山

一彎弓影落晴湖不見湖邊大小姑大姑化石心不轉小姑已嫁彭郎夫

春夜遇兩宿辰州古寺

春愁如海夜如年
茶鼎分泉手自煎
白髮老僧同聽雨
就牀相伴佛鐙眠

對月夜坐

天際涼風破夕陰
松花滿氣共誰斟
異鄉月色同千里
一紙家書抵萬金

宿田家

邨北邨南南社鼓
敲聞尋父老說昇平
孤燈也識離人意
落盡寒花却再生

夏日即事

雨深庭樹始鳴蟬
小簾魚波午夢圓
老鶴一聲脩竹外
有人來候煮茶煙

枇杷子黃山杏肥
海榴花發燕雛飛
綠窓五月南風起
金剪新裁白苧衣

中秋見月

碧落無塵萬籟空
月臨南斗正當中
何由得似長生兔
萬古千秋夜々同

觀日

夜半雞鳴海日紅
六龍飛出五雲中
曾從秦望山頭見
萬里青天蹋綵虹

枯木竹石圖

三日颶風吹海濤
蓬萊失却黃金鰲
長竿釣得珊瑚葉
葉南唐金錯刀

題芍藥花下玉兔画

老蟾不鎖明月宮飛落西河白兔公玉宇清寒不歸去愛
此日高花影重

題醉翁騎牛圖

白頭野老醉騎牛笑引兒孫百不憂安得東華塵似海聽
雞人立御橋頭

紫薇花下

天棘移來一尺長呼兒澆水傍南牆柔條盤作青羅蓋借
我山窓一夏涼

輓榮教諭

江風山月夢悠悠白髮三年在惠州詩骨梅花兩情絕此
身只合葬羅浮

辛卯科名海內傳談經不到伏生年明珠徑寸誰收得流
落天南海水邊

山中野服鬢絲、記得南窓病起時白玉蟾蜍銅雀硯日
長閒寫廟堂碑

大庾山高隔暮雲哀猿啼處月紛紛何由化作遼東鶴一
夕飛來祭酒墳

題梅花竹雀圖

竹外疎花雪半欹山禽偷眼立多時安知千仞高岡上鳴
鳳朝陽有好枝

題寒雀圖

不向雲霄振兩羽翰蕭條自託一枝安無心更飽秋田粟
任尔黃金作彈丸

題墨菊

別來幾度問秋風今日相看是夢中獨守太玄心不改傲
霜高節有誰同

題瀛州學士圖

千年一度見河清看畫令人憶太平不是當年培養力諸
公那得共登瀛
鈴索無聲畫漏稀宮袍一色換朝衣院門不鎖松花落知
是鑿坡進講歸

苔錢

人迹來稀地自偏閒門無事度年々最憐十日空階雨鑄
得青青萬箇錢

題毛女

榭葉重々護玉肌蓮花峯下采金芝夜涼月出仙人掌恰
似秦宮照鏡時

送友人之亳州

雨中飲散楊梅酒門外水高三尺餘一路看山如畫裏到
時須寄亳州書

和靖觀梅

花前立鶴小如童天錫湖山屬此翁留得黃昏舊時月至
今長照水仙宮

呂望釣魚圖

磻谿手弄一絲秋夢入飛熊雪滿頭釣得周家有何物白
魚躍入後王舟

題平遠圖

白々春雲著樹飛望中渾似米元暉數家屋近谿邊住一

片帆從日下歸

題松

丹井西頭只一箇香鑪側畔恰千株何當著我坐盤石童子掃花閒讀書

題桃花畫眉

天台山下問劉郎玉女織蛾畫得長望斷綵雲無信息春風吹落鏡中央

洞庭吹笛圖

洞庭吹笛君山青龍作老翁來一聽夜深龍去笛聲絕但見月白天冥冥

題鳴鶴山人谿山圖

鳴鶴仙人去不歸秋風涼到女蘿衣白雲也是無心物長傍谿山好處飛

畫鷹

搏擊無心到草萊山雞野雉莫相猜昂然立在空青外遮莫人呼不下來

金眸玉爪氣雄豪閒向秋風刷兩毛整頓鋒稜十二翻碧天萬里海雲高

羽衣凌亂菊花明白石岡頭立晚晴不待將軍臂鞴上紅絨條掣紫金鈴

青天擲下尖雲兒正是霜高俊捷時自有鵬雛充一飽山雞野雉莫相疑題洗馬

題洗馬圖

奚官半脫茜袍紅應是開元白髮翁老去不聞征戰事閒

來洗馬柳陰圖中

題三笑圖

一時行過虎谿頭何事千年笑未休
山色水光無限思至今人說晉風流
一時行過虎谿東笑倒廬山五老峰
說與柴桑陶靖節攢眉不必更聞鐘

題四皓圖

皓首厖眉本在山紫芝歌斷白雲間
漢家可是無羅網鴻鵠高飛自不還

雪竹

黃陵女兒玉一雙天寒灑淚落湘江
蒼梧鳴鳳無消息翠影參差雪滿窓

題竹下美人

天寒翠袖立盈盈中有貞心玉琢成
明月滿天騎白鳳有人傳是許飛瓊

作紅竹

葛令丹砂九轉功夜來化作葛陂龍
飛向蒼梧叫虞舜赤霞晴射九疑峰

牧牛晝眠圖

草軟坡平午樹涼人牛此際兩相忘
曾知亦有無眠者馬上雞聲滿露路霜

洗馬圖

青鬃浴罷出金堤草軟沙軋散玉蹄
明日早朝催立仗晚涼牽過御溝西

題賈山人竹雀圖

翠竹叢邊棘刺多，爾禽獨立意如何。
朝陽鳴鳳巢阿閣，五采何曾觸網羅。

秋夜雨後待月

雨後涼雲度絳河，秋聲偏著樹頭多。
呼兒快掃階前葉，整頓青天好月過。

題四馬圖

聞說唐家五弟兄，羈金絡月出宮城。
自從一馬為龍去，輦路年年春草生。

挾彈圖

公子翩翩出大堤，紫駟蹋碎落花泥。
少年莫打黃金彈，恐有慈烏樹上棲。

桃花流水圖

參差煙霧隔樓臺，千樹桃花洞裏開。
春色可憐關不住，又隨流水出山來。

暮東春東園雨後有作

十日春陰一日晴，晚來又見照泥星。
西南風起三更後，吹落荼蘼雪滿庭。

滿庭風落白茶蘼，春色三分竟不知。
睡起北窓閒看竹，又添無數錦裯兒。

移竹

人言醉日可移竹，我愛此君醒日多。
昨日雨中分數箇，不知醒醉復何如。

山蕉葉畔偏宜竹，借我南窓一夏涼。
八尺簾紋清似水，秋

聲月色兩相當

汲井

長夏東園無好雨花根土葉不相和朝來試灌銅餅水也
與花神助力多

掃地

林扉東向啓明開雨後呼兒掃綠苔整頓一方無別物夜
涼只許月明來

海棠黃鳥圖

誰寫嫣然玉一枝金衣公子立多時曾知斥鷃蓬蒿下不
識長安挾彈兒

題克己齋

何物名為克己齋須從偏處克將來等閒雲霧都消散蕩
蕩青天白日開

送雲季昭

東牆隔樹有書聲晚閣長歌坐月明一隊隣家小兒子夜
涼分得案頭螢

道人自是東方朔分得西池玉色桃別後好傳青鳥信大
江誰道隔風濤

池草青：秋水深杏花壇上坐鳴琴日長自講先天易說
破羲皇萬古心

素王宮中多種竹每分涼影過西陵隣多情只有雲夫子
九載彈琴看好春

別日情多會日稀嫩涼昨夜入秋衣除書遠近須相報好
付霜前白雁歸

有感

洛陽無教牡丹開不惜黃金買地栽二十四人金谷友更無一箇看花來

題太真梅邊玩月圖

浴罷華清整珮環蛾眉笑比月鈎彎梨園夜半吹羌笛野鹿偷春過玉闌

題桂菊圖

送酒白衣來栗里燒丹金井出淮南露花鼠葉俱寥落見畫令人思不堪

輓寧州太守

有人相見御門前說道腰圍減昔年寄與燒丹句漏令只今誰是地行仙

白髮秋風相別後三年不寄一書來書來却是它人字放在林頭不忍開

孟光曾共去時車千里魂歸不是家腸斷倚窓花自落錯教鸚鵡嚙琵琶

寧州太守近如何不道離家是輓歌昨日把詩看醉墨伯牙弦斷淚偏多

雨中夏日書事

冬青花落雨溼溼一日舒晴十日陰也愛東園有生意枇杷鑄得萬九金

題水仙

洛浦仙人玉佩瑤盈々宛在水中央明珠翠羽芳洲上欲贈佳期遠意長

題墨菊

晚節孤高也自奇此惟情有墨卿知夜來酒醒寒無奈不
覺玄霜落硯池

題竹

苗陵女兒佩明璫騎得雲間白鳳皇回首蒼梧渺何處涼
陰墮地月如霜

寒江萬里圖

萬里寒江一鏡開棹郎何處放舟回來桃花春水明年長
浪盡風恬及早回

題攜琴訪友

兩翁何處訪知音澗水松風總是琴識得此中千古意予
期端合鑄黃金

重九

今年兩度黃花秋濁醪可漉亦可篋西風任尔吹烏帽不
管傍人笑白頭

題黃鶴仙人畫松

黃鶴山頭白雲飛黃鶴仙人去不歸一箇長松深谷裏秋
風吹老女蘿衣

題宋徽廟桑燕圖

東風燕子尾疑：繭館春明試浴蠶回首桑田都變海故
巢烟雨滿江南

題樂工湯子玉琵琶手卷

白髮大梁湯子玉偶於畫像見風流鳴弦一曲無人和名
落南州與北州

推手為琵琶却手琵琶東家胡蝶又西家春風三十年前夢飛
繞梁王苑內花

梁王苑內歌明月西子臺前醉落花昨夜海棠添蠟燭今
朝鸚鵡喚琵琶

七尺烏藤手自扶東風吹雪上頭顱梨園傳得龍香撥借
問春愁撥得無
瓊花高髻有干娘一曲楊州獨擅場不有詞人龔子敬無
人知有賀新涼

題三笑圖

遇谿三笑本無心豈意流傳直到今澗水松風都是笑白
雲依舊在東林

題回文梅花美人圖

花重妾心冰皎皎妾憐花貌玉盈盈鴉盤翠髻流雲濕瘦
影寒依夜月明

題回文脩竹美人圖

寒生翠袖迎風晚黛抹蛾眉妬月鸞鴛影舞回秋水遠問
人何處九嶷山

初春

江南正月一尺雪南郭門前春水生柳條快染黃金色待
我放船谿上行

今年臘前不見雪開歲兩度白紛紛平明推戶看庭樹一
色梨花都是雲

急霰打窓鳴不止坐剪紅燭到三更莫笑煮茶無小妾也
知掃雪小童清

燈花巧綴蜻蜓眼定有何人明日來便借仙翁東郭履谿
南谿北看花開

輓知事陳仲信妻

無人不道孟光賢結髮相從十九年風雨梨花寒食夜綠
窓彈竹鳳皇弦
夫容幕府在錢塘一曲哀歌欲斷腸白髮老姑堂上坐何
人洗手作羹湯

何尹宅牡丹

一闌千葉牡丹花移在能詩水部家候吏不來公館靜未
知春色屬誰家
牡丹花開胡蝶飛牡丹花落胡蝶稀河陽無數舊桃李可
恨看花人不歸

暎水曲

江水澄澄照玉容恰如明鏡拭青銅今朝試抹雙眉黛不
覺銀釵落水中

過嘉興南湖

湖樹青々湖水平流鴛鴦飛過木蘭舟最憐今夜初三月
照見行人過秀州

題雪峯詩卷

阿母一雙金剪刀為兒裁作上官袍春夢恰如湘水潤春
愁更比雪峯高

秋江送友之京

天清江樹碧氈々千里秋風送去帆飲散廣文官舍酒到
京應是月初三

春曉聞鶯

春寒虛幌曙光低
曉脫流鶯隔樹啼
睡起捲簾尋不見
一
穀却在杏花西

春日東園漫興

竹裏開門稍向東
隔簾吹過杏花風
青苔一徑無人迹
時
有山禽啄晚紅
銅餅汲水灌花根
幽事閑心嬾出門
檢點棠梨明日放
呼
兒先擬具山尊

社雨晴時燕
歸牡丹池館故巢非
憐渠也愛吾廬好
日
日啣泥下上飛

洛陽二月百花紅
金谷春閒步障空
何似詩家真富貴
薔
薔花列錦屏風

長日南窓一卷書
更憑何物稱閒居
睡魔也自相欺得
茶
鼎熏鑪儘破除

得弟書

一度書來一寄衣
千迴書到不如歸
湖南蘆雁知兄弟
水
遠山長作隊隊飛

失鶴

鍊得丹砂頂漸紅
養來馴狎不須籠
桐陰立轉三更月
尚
想穀回碧落風

題扇示俞生

荷葉圓時初見汝
木犀落後便相疎
秋穀只在庭前樹
分
寸陰中好看書

贈道士

一曲瑤笙鶴背風，仙衣初剪絳霞紅。
碧桃花落春如海，歸到天壇月正中。

荷露

池上風荷碧玉盤，朝來承得露華寒。
也知此物同歌器，草把明珠著眼看。

竹風

一夜金觥與玉觥，鈞天九奏本分明。
何當截作昭華琯，吹作虞廷綵鳳鳴。

過甫里祠

秋水初生射鴨闌，寺前紅葉樹斑斑。
洞庭吹散朝來雨，放出船頭一半山。

過太湖

鷓鴣湖上水如空，十幅蒲帆得順風。
七十二鬟看不盡，捧心人在館娃宮。

月夜聞角送友人別

月出城頭海氣涼，角聲愁思兩茫茫。
故人又向明朝別，鐵鑄梅花亦斷腸。

畫鷹

八月沙平海宇高，角鷹新解綠絨條。
曾從太華峰頭見，萬仞青雲刷兩花。

題太真鸚鵡圖

愛渠言語太分明，放出金籠更好聽。
立在阿環羅袖上，自彈圓舌念心經。

題雁

雲暗蒼梧月影孤一行歸鴈落寒蘆十年四海懷兄弟忍
向燈前看畫圖

題望湖亭

鷗外清波鴈外山望湖亭下繫歸船夜深起坐占風信龍
在珠宮月在天

題梅竹

姑射仙人玉雪姿天寒翠袖立多時分明一片黃昏月照
見貞心只自知
我愛娟娟玉一枝歲寒不改雪霜姿如何也學春風面定
是今年醉日移

紅竹

蓬萊石上珊瑚樹曾見樽桑海水乾相逐葛陂龍化去何
年服得九華還丹

荷花谿鴝圖

西子湖頭荷葉圓一雙谿鴝傍花眠寄語采花湖上女花
邊莫放木蘭船

桃花畫眉圖

人面花紅照水時春愁不遣別人知山禽也學張京兆試
畫朝來八字眉

仙人醉歸圖

金碧重々倚翠微玉笙吹徹綵雲飛醉來不借瑤池鶴却
跨青鸞月下歸

題柳塘野艇圖

楊柳絲々拂釣磯野航一箇倚斜暉分明西塞山前見只

欠雙々白鷺飛

兩後青山抹黛蛾
漁舟渾不怕風波
夕陽蕩槳不歸去
為愛谿南柳色多

題海棠白頭公十二紅

一枝斜倚短牆東
上有翩翩十二紅
莫怪無情花裏鳥
白頭端的愛春風

太乙蓮舟

玉井芙蓉一葉秋
絳河清淺向西流
夜深自載青天月
不用吹燈閣上頭

題夫容圖

越王谿上秋風寒
浣花女兒度江干
采得花中第一朵
恰似仙人掌上看

洛妃圖

美人贈我雙明璫
何以報之雲錦裳
望斷絲雲招不得
臨池為寫十三行

羅浮美人圖

翠禽啼處玉娟娟
夢入梨雲別有天
一夜清寒誰是伴
忽隨明月到窓前

桃花雙鳧

沙觜春明刷羽衣
水流花落澹忘機
安知萬里河梁別
一箇南飛一北飛

紅梅

西子湖頭第一花
不隨凡卉媚韶華
自憐玉骨清如許
服得朝來一片霞

日觀蒲萄

上人愛書懷素草人言畫好畫亦好臨池呼得墨龍歸萬
顆參明珠落秋昊

題黃子久畫

黃公學畫如學仙老兔夜浴箕箒前直欲移山超北海不
勞鍊石補青天

子美醉歸圖

萬里橋西一徑斜白頭亂後得還家經旬出飲向何處黃
四娘家看好花

劉伶荷鍾

先生自是醉鄉侯傲睨乾坤溢九州萬古青山埋不得生
前只合葬糟丘

呂望釣魚

白髮蕭々老渭川非熊夢入九重天安知一片谿邊石釣
得周家八百年

次詠軒兩夕見寄

巷北巷南纔咫尺一日不可廢言詩柴門誰道無供給雪
色茶蘼半破時

清閨閣中倪處士硬黃繭紙舊題詩恰似仙人掌中露消
得文園病渴時

秣莊許酒不至

辛夷開徧又櫻桃不見山餅寄濁醪昨夜好風吹夢去一
谿春綠漲蒲萄

得酒奉謝

靈鵲殺中午夢長回長鬚分送大餅來棠梨花畔呼鸚鵡
誰道閒愁洗不開

寄何尹

越人不識燕山雪接得瑤花掌上看不是燒丹句漏令如
何禁得許多寒

薊門六月寄書回少女燈前信手開料得書中無別事離
懷只是想歸來

秋風吹雁過灤河橐載行車索價多聖德如天無遠近江
南江北思如何

年過富貴髮斑斑千里戎衣幾日還只有海門西畔月秋
風吹過雁門關

織得回文錦字書臨流寄與北溟魚平安定有明年信棟
子花開四月初

公館蕭條早放衙牡丹今在別人家子期去後知音少猶
有離弦寄伯牙

十月瀘溝雪正深白狐一腋比千金地板野韭沙羊軟大
瓮蒲萄取次斟

塞北悠々望旆旌南冠還識曼胡纓題詩定作楊州夢消
受梅花一味清

中郎有女咩奏胡笳北度單于萬里沙十八拍中無限思
定傳新譜到天涯

受絳城外雨蕭々聞說羌人歎聖朝李牧守邊今第一銑
歌須製漢家謠

次詠軒雨夕見寄

古銅鳩杖能扶醉小錦奚囊解貯詩
兩館蕭條形共影一
鐙相待暮鐘時
種々愁來都是幻堂々春去可無詩
客中花事都狼籍只
有青松似舊時

聞潮

孤城鼓角夕陽紅十日江南起颶風
倒挾潮聲天上響只
疑牀下是蛟宮

桃源圖

聞道仙源有路通
桃花萬樹自春風
楚人一炬咸陽火
不到金堂石室中

題明皇吹笛圖

天寶年中日正遲
沈香亭上看花時
梨園一曲新翻譜
白髮宮中總不知

題蒲萄畫扇

越中老僧禪定餘
手燃百八摩尼珠
撒向虛空供明月
夜半驚落銀蟾蜍

自遣

紅顏養得看々老
白髮梳來種々多
却喜筭來無酒債
最難遣去是詩魔

二麥黃時氣似秋
冬青花落雨纔收
北窓暫假須臾睡
又聽鶉鳩啼樹頭
落盡飛花滿地紅
無端三月雨敲中
天心也與人心別
絕見東風又北風

即事

不短不長蓮漏點乍寒乍暖麥秋時病中正爾無消遣閒
看紫桑五字詩

枇杷一樹是誰栽多謝隣翁送得來不是王孫金彈子山
禽偷眼莫相猜

花艷妖嬈偏怕雨柳腰纖弱不禁寒少年慣見無情思何
况如今病後看

餘寒猶殢越羅袍一夜門前春水高扶病強行庭樹下笑
看山鳥啄啄櫻桃

落梅花

二十四番花信風此風先到壽陽宮若教吹入羅浮洞笑
殺江南白髮翁

惜花

一片花辭舊日枝隨風飛去竟何之莫教狼籍凝蛛網願
託餘甘在蜜脾

感興

歲晚還家已暮春看花少却二三人城西宋老城三南董
都作三生夢裏身

題東家牡丹

晴風煥日地無埃最大花頭最晚開留得舊時池館在也
應花待我歸來

寒食

七十四年歸老田日一百五夜禁煙火却笑山厨無熟火
頻將冷酒醉花前

一百五日花候至阿母墳前多白雲蓋棺小弟猶未葬淚

灑松間斜日曛

辛夷花

望春一樹春前放花樣渾如紫兔毫肯借題詩三百管洛陽紙價又增高

題白蓮

天然容色粉為腮揮向君家玉鏡臺淡掃蛾眉看不厭是誰收束拾畫中來

宋徽宗雙雉圖

一雙靈雉語喳喳飛繞東闌一樹花朔雪南雲天萬里不知傳喜到誰家

紙鳶

只憑一線上青天中有天機合自然莫待風高收不得宮商別調不如前

暮春

病裏不知春去速總逢寒食又清明何人作伴共閒話無酒無花慰此生

月下聞鐘

二千餘里故鄉月一百八聲今夜鐘今夜故鄉鐘與月天將散色付詩翁

晚涼偶成

餘霞淡夕陽西碧樹陰中一鳥啼坐受微涼無事惱手持紈扇向人題

寄友

棟花風落夏云初日臨流遠望途三十六鱗江上鯉如

何不寄一行書

新鑿池

問道宮中新鑿池多種芙蓉楊柳枝近水芙蓉藏白鳥當
窓楊柳著黃鸝

忘憂花

人言蕙艸可忘憂不能忘已百頭若說此花能却老不
教慈母葬松楸

東園紫薇花

舊時曾種紫薇花五載歸來感物華石徑升堂落色滿曳
裾坊口第三家

不出

多時斷酒不開尊竟日看花嬾出門每有良朋來問信熏
鑪茶鼎略略温存

病起

清晨病起怕臨池水分明見鬢絲水不照心空照影瘦
容勿遣外人知

今晨試裹小烏巾束帶圍寬略稱身東舍西隣走相慰皆
言林下一間人

晏眠

金壺玉漏平分夜絳蠟銅盤欲暑天日出東方高丈五更
添丈五足高眠

勸飲

有客相過問所須經年不飲竟何如天生佳味扶衰老陸
有黃雞海有魚

答

從來好飲杯中物
醒即高歌醉即眠
寄謝多情天上月
病中辜負二三年

祝鵲

靈鵲簷前報喜來
當窓驚睡妾
明日官家有赦書
暗起梳頭出門接

題慈谿永安寺

春來多是為詩忙
老去懷山興味長
見說寶峰東畔寺
鬢絲禪榻落花香
石洞龍歸雨氣涼
階前立鶴過人長
老僧定起日卓午
風散滿林簷葡萄香

象外禪師坐月航
迢迢東去水雲長
秋高有約看山去
爛煮茯苓如雪香

白雲為衣山作牀
足力苦短情偏長
會須繡佛鐙前去
寒夜同燒清淨香

題張真人畫

仙人手潑金壺汁
三十六峯嵐翠濕
回香谷口白雲飛
歸鳥不知人意急

題行春圖

手輓青絲跨玉驄
繡羅衣颺落花風
應知田野經行處
盡在咨詢一念中

題孤山

昔年買權過西湖
上青螺一點孤
為問此山誰作伴
只留香影付林逋

書事

平生不書亡米帖今日
謝草堂賢寄語故人王錄事癡
兒索飯已多時

題昭君

妾無黃金買詞客妾無明珠賂畫師妾有一身能報主六
宮不用妒蛾眉

題太真

歲々牡丹庭上開君王不為子孫裁只知解語花長好不
悟漁陽結禍胎

訪僧不遇

三月青桐已著花我來欲喫趙茶州應門童子長三尺說
道闍黎不在家

過太湖

逆風送船不開青山數點如煤焰小龍女兒隨母過第
四橋邊風雨來

宮詞次韻

五月南風水殿涼紫鸞殿度月中涼央珠簾碧簾清無夢
消愛荷花一夜香

道士歸茅山

句曲仙人雙眼碧放浪江湖人不識乘雲歸謁大茅君月
滿空山夜吹笛

短衣剪鶴翎日長惟誦蕊珠經山中別去頻相憶不
寄黃精寄茯苓

題山水為潘簿作

落日樓臺紫翠間道人采藥不知還使君莫動歸田興山
上于今更有山

題石圖

一片春雲出岫雲飛長松猶挂女蘿衣蒼苔好護山中石
閑待巖陵坐釣磯

題孫奏差墓銘

蒼藤古木兩斑斑一鶴東飛去不還樵木至今能指點奏
差墳在石帆山

題董文贈陳道士

廬山董奉千株杏太乙真人一葉蓮不有青藜杖頭火人
間那得白雲篇

題扇

青天月滿黃金餅碧海風生白雪翎紈扇晚涼清似水秋
殺却在兩松聽

贈莫山人

高人讀書下簾坐門外好山青一朶酌酒不知風雨來滿
林紅落楊家果

題竹

我家種竹南窓下慈母朝朝對此君今日臨風倍惆悵題
詩况在孟宗墳

訪戴圖

下蓬聽雪不見山推蓬見雪山更好此時興盡便回舟何
必相逢戴安道

伐木

恐聽慈烏返哺兒，結巢飛在最高枝。
夜來不在高枝宿，啼到西山月落時。

舟過臨平

拖樓移月過臨平，此是朝天第一程。
急起推篷與山別，可憐夜半不分明。

別友人

臨別上船過竹枝，莫忘今朝相會時。
春蠶作繭繅不盡，無恨長絲與短絲。

昨夜

兩般昨夜送秋來，萬里明河匹練開。
擬借仙人雙玉瑄，月涼吹上鳳皇臺。

送何山人還金華

白下門前歌兩晴，護龍河畔買車行。
一雙車輪千萬轉，恰似思家千里情。

越谿女兒能浣紗，蕩舟自采白荷花。
采得荷花休待月，滿江風露早回家。

官河水鳥鳴關，少婦與郎同日還。
車上綳兒能解語，到家不識婺州山。

題宋高宗畫魚

玉殿春明樂有餘，萬機多暇畫神魚。
白溝池上無消息，好與君王寄尺書。

題子美遊春圖

歸到城都萬里橋，尋春問酒不須招。
揚鞭指點谿南路，黃四孃家花正嬌。

戲贈徐博士

汲井洗魚尾鮮家童吹火突無煙木犀風落半窓雨博
士醉來方晝眠

索茯苓戲贈

詩骨從來似鶴形空廊無迹兩苔青人間別有長生術不
是黃精與茯苓

題馬圖

萬里西來白玉驄奚官牽浴浪花中傍人莫笑鋒棱骨曾
向沙場立戰功
龍駒新解紫游繮牽向金溝浴晚涼好用蓋鞍黃帕子平
明立仗待明光

桃花馬

曾聞八駿上崑崙越影超光世罕聞留得當時第一匹滿
身花影散春雲

見新燕

東家昨夜杏花開茅舍今朝燕子來但使結巢棲得穩何
須更覓好樓臺

寄陳大用

小雨踈々夜放舟朝來白苧不勝秋出門却怪青泥滑定
是元龍不下樓

題雲林畫竹

第二泉頭玉一枝淡煙踈雨碧參差葛陂龍去無消息惆
悵雲林七字詩

題高士鼓琴

松下流泉石上琴泉聲松籟是知音世間箏笛非無耳誰
識先生太古心

題玄宗按樂圖

梨園小隊鬪娉婷一曲霓裳正好聽誰料開元太平曲秋
風吹入雨霖鈴

題明皇遊月宮圖

碧天萬丈綵虹秋羽隊佺々舞未休玉宇高寒留不得回
光却照京樓

漁樂圖

風漪水荇晚生涼魚我相忘逸興長為愛白鷗眠得穩扣
舷不敢和滄浪

桃花流水

一樹春紅倚釣磯水流花落鱖魚肥恰如西塞山前見只
欠雙々白雲鷺飛

題梅花水仙

夢入羅浮小洞天翠禽啼處月娟娟何人能解明珠贈只
有凌波洛浦仙

題梅

雪後曾看半樹春素衣渾不染緇塵玉堂故舊無消息惆
悵寒煙野水濱

姑射仙人玉雪姿天寒瘦影立多時春風半面曾相識一
夜梨雲入夢思

題扇

繞屋黃金杏子肥仙家雞犬隔林扉潮頭推起龍宮月拾

得明珠徑寸歸

題三笑

虎谿元只在東林笑入長松落照陰誰信偶然同一笑直
教貽笑到如今

題二馬圖

前騎蹋花春雨晴後騎渡水春波明此中不是鹽車坂草
軟沙乾自在行

題梅月圖

維摩室裏散花人寫得江南第一春本是一株無影樹只
教明月伴清真
曾向維摩帳底看散花天女不知寒黃昏瘦影誰同伴只
有青天白玉盤

題秋江送別

黃帽唱歌江水生遠山相送近山迎晚涼坐待船頭月風
順潮平正好行

天馬辭

萬里宛駒入漢家春雲圍出五文花武皇空把黃金鑄不
見河圖出渥洼

題碧桃

海上仙人萼綠華玉顏不肯服丹砂春風一笑三千歲長
在瑤池阿母家

題碧桃青鳥圖

蓬萊鳥使羽衣青立向花梢側耳聽應是雙成吹笛罷隔
花畫誦蕊珠經

題梨花雙鵲圖

一株白雪東闌外正值清明暮雨時
靈鵲定知家信到向人傳喜立花枝

夢種德翁寄詩

秋前別去長相憶三夜分明夢見之手
捫白須長一尺不談老事只論詩

題蕉窓夜雨

碧窓數葉雨蕭蕭繡佛鐙前伴寂寥
我亦靜中聽得慣聲塵都向耳根消

題半窓梧影

本是一株無影樹尚留此影半窓前
夜來定起無尋處水在鉗中月在天

題三香圖

明珠翠羽滿芳洲礬弟梅兄不可求
江海風流今見畫露花涼葉思悠

題睡貓圖

虎質斑斑臥石苔翻盆點鼠亦驚猜
日高花影渾如醉應喫東家薄苜蓿

詠菊

去年地旱菊苗荒今年養得過人長
珍重花神不愛寶鑄就金錢萬箇黃

一株兩株紫綺袍十朵五朵勝緋桃
太真睡起酒痕淺西子舞回山月高

東家分送玉玲瓏西家邀看狀元紅
非關白髮被花惱自

是詩人興味同

九日年下不見花今年秋色在誰家山童踟躕走相報分
得仙人鶴頂砂

題紅桃白頭翁鳥

淺紅花片間深紅老眼看花似霧中我亦前身花裏鳥頭
顱如雪愛春風

一灣流水入天台曾有劉郎采藥來山鳥白頭綠底事千
年一度見花開

題盆池白石號崑崙積雪

盆池秋水碧娟娟中有崑崙雪一拳若待三年生玉子便
呼此地作藍田

石甃空明一鏡開直疑鰲首戴蓬萊此中不著任公釣江
海風波那得來

題萬玉圖為姚氏作

天妃夜剪銀河水散作江南萬玉花若向洛陽城裏賣牡
丹應不讓姚家

又為徐山人作

記得雪晴湖上見三花兩蕊半含春祇令滿樹紛如雪總
道徐卿寫得真

約友東園看花

故人近有着花約說道晴來雨也來昨夜藥闌東側畔海
棠一樹向陽開

角端

玉門關外靖邊塵此獸能言即諫臣今日華夷同一混好

從高閣畫麒麟

得雨

砲車雲起大風作一雨洗天三日秋江上晚陰吹不散平
明遮斷樹梢頭

題梅花山鳥圖

誰寫春風淡墨痕羅浮石上舊精魂山禽也學三生夢飛
繞梨花一片雲

題山水

廬山千仞碧重日暮何人訪遠公疑是柴桑陶處士扶
藜到寺莫聞鐘

夏夜有作

鶴背高寒露氣清明河斜轉月三更紫薇花畔題詩處笑
看癡兒拾亂螢

早朝

桃都夜半鷄三唱六龍飛出青天上閭闔鐘鼓報五更千
官齊簇蓬萊仗

寄硤川僧

紫薇山下白雲邊兩過南湖好放船滿壑松聲涼似水我
來同坐月中禪

題折枝桃花

劉郎去後綵雲空誰寫深紅間淺紅老我看花渾似霧任
他人面笑春風

題采芝圖

天上金雞放赦時野人爭覩漢官儀不知此老緣何事猶

向山中采紫芝

夏夕

絳河清淺露華涼，銀箭無聲漏點長。
明月却臨南斗過，紫薇分影上東廊。
紫薇花上月纖纖，一點流螢過畫檐。
織女度河秋已到，夜涼不上水精簾。

夏日書事

嫋嫋涼風度竹枝，卷荷翻雨落盆池。
踈簾小簾清如玉，正是南窓夢覺時。
露坐庭中待月明，儵然白苧晚涼生。
好風吹散西南雨，洗出天河萬點星。
碧盃調水飲蔗漿，水仙借我一軒涼。
魚波小簾清無夢，風度荷花作蕩香。

秋夕

井梧一葉報秋風，看到三更月正中。
星象盡隨天左轉，河流直與海相通。

題太山張騫圖

太山真人坐蓮葉，大宛使者泛靈槎。
偶向天河一相見，直到牽牛織女家。

題江山小景

何人手把并州剪，得與江萬頃秋尊。
菜可羹鱸可繪興，來也欲上扁舟。

題樸軒

祇園雙樹不可見，臨濟一株今在茲。
昨夜青天指明月，玉

盤挂在最高枝

題釣魚圖

并刀誰剪半江秋
中有張公一葉舟
魚我相忘千載下
釣絲何事不曾收

扁舟放浪五湖間
雨笠風蓑志却還
賴有吳興顏太守
浮家汎宅稱高閒

題杜子美遊春圖

拾遺歸隱浣花邨
日醉田家老瓦盆
滿眼好山驢背穩
也勝朝扣富兒門

湖山秋霽

南山北山秋氣高
碧天萬里總纖毫
涌金門外看明月
風露涼生紫綺袍

江天暮景

羅刹江頭快雪晴
好山多在鳳皇城
繡衣行部歸來晚
不遣沙邊白鷺驚

題山翁對奕

長夏幽居隱翠巒
兩翁對奕坐盤桓
靜中黑白分明見
肯許傍人局外看

東園對竹

去年移竹比兒長
今歲抽梢已過牆
不待伶倫裁律管
自有天籟諧鳳皇

東海拾得青琅玕
移向山窓生翠筠
手把玉笙待明月
吹下青天雙白鸞

東園夜涼歌竹枝
人影月色兩參差
天高鶴背露花落
恰

似玉郎清笑時

金聲玉轂相和鳴
白月皎々風冷々
軒皇張樂洞庭野
記得夢中曾一聽

玉立亭亭好弟兄
昆清陰不礙月當門
晚涼移席西池上空
翠霏々落酒尊

即事

東方鴉鳴海日紅
晨起灌花呼小童
開門不省夜來雨
吹落滿地薔薇花

詠子規

富貴花深誰肯歸
癡心啼到月華西
秋風黃落千山葉
正好啼時却不啼

見螢火擬閨怨

不見郎歸照六經年
誤妾拾流螢何由飛上天河去
化作牽牛織女星

望夫石

山頭日々望郎歸
江水悠悠信息稀
若使一年能一見
便從天上作支機

山頭日々望郎來
山下長江萬里開
郎去不如潮有信
朝暮々兩翻回

雲作衣裳月作梳
化為白石望征夫
石頭有轉心無轉
不省郎歸得見無

閨怨

繡得鴛鴦錦一雙
停針不語倚南窗
良人昨夜開船去
恨殺門前有大江

浣紗女

苕蘿山下白蘋花
西家女兒來浣紗
清江白石深見底
不省何宮是館娃

織婦詞

聞郎前事過淮河
妾在空閨夜織羅
腸似千絲千萬結
恨郎來往不如梭

漁燈

一點踈鐙一葉舟
夜深移過荻花洲
如何不作金蓮炬
却向煙波照白頭

寄崇野愚

野愚釣者近如何
占得谿頭兩一蓑
茶竈筆牀天上坐
往來渾不怕風波

野愚釣者近何如
不寄雲中錦字書
誰信兩潮東海上
老夫日日候雙魚

題王仲序筠窓詩卷

我識山陰王子猷
平生好與竹交遊
夜來醉臥西窓雨
一枕涼生一葉秋

幾箇琅玕石上生
當窓宜雨復宜晴
何當截作昭華琯
吹出虞庭綵鳳聲

到家

巷中犬吠樹鳴雞
桑柘陰陰繞舍低
恰似一雙新燕子
舊巢啣補落花泥

長至

入史

父梅

除夕

五年為客在洪
看兒女進屠蘇

斗南先生詩集卷五



國家圖書館, NATIONAL CENTRAL LIBRARY, TAIWAN, R.O.C.